

四庫全書

子部

欽定四庫全書

子部  
圖書編卷十九至二十一

詳校官中書臣孫衡

主事臣祁韻士覆勘

總校官進士臣朱

鈐

校對官中書臣孫

球

謄錄監生臣金

翀

欽定四庫全書

圖書編卷十九

明 章潢 撰

五星總叙

洪範一曰五行挈其綱也是五行也凡天之五星地之五方人之五德五事五倫物之五色五味五香孰有能離此五行者乎故五星即五行也木曰歲星火曰熒惑土曰鎮星金曰太白水曰辰星而木春火夏

金秋水冬土分旺四季各十八日有奇此以四時言也木東火南金西水北土中央此以五方言也木仁火禮土信金義水智此以五德言也木青火赤土黃金白水黑此以五色言也歲星主東嶽徐青兗三州熒惑主南嶽荆揚二州鎮星主中嶽豫州太白主西嶽雍州梁州辰星主北嶽冀州此以主言也金水一年行一周天火二年木十二年土二十八年一周天此以其行之遲疾言也歲星之精變為撓槍熒惑變

為蚩尤旗鎮星變為天賊太白變為天狗辰星變為  
枉矢此各以其變異言也其行或入黃道之裏從月  
行有陰陽也其東行曰順西行曰逆順則進而疾逆  
則退而遲不東不西與日相近而不見曰伏與日同  
度曰合五星相陵曰鬪行各宿次舍其理域曰入留  
其左右曰守其留行順逆掩合凌犯變色芒角越次  
搖動俱以時政之得失占焉順則雖灾亦輕逆則灾  
必甚也且其所經宿度各有垣廟而皆以得位為吉


然其行度在古歷惟主順行秦歷始有金火之逆漢  
初測候乃知五星皆有逆行至後魏張子信避亂居  
海島中專以渾儀測候天象始悟日月交道有表裏  
遲速五星伏見有感名向背故歷家因之而加密焉  
是昏旦者陰陽之大分也南方者太陽之位天地之  
經也七曜行至陽位當天之經則虧昃留逆而不居  
焉得非天地之常道哉木土火三星經天金水二星  
不經天雖行有遲速亦三天兩地之道也但天垂象

見吉凶聖人象之豈徒司國柄者謹候之以順五行而時其調變勤其修省已哉觀洪範一曰五行由次二敬用以至次九威用皆所以用此五行也况貌言視聽思五事非即人身之五行乎果能則天象而敬用之則天人合一之學其庶幾矣





# 五辰之圖



孔氏曰五行之時如四時也言撫順五行之時則眾功皆成禮運曰播五行於四時蓋四時者氣也五行者象也四時各分九十二日八十分之二十五為一時之正而五行則以木配春火配夏以金配秋水配冬而土則分旺於四時每季一十八日有奇胡氏曰五行在地為物在天為時順其時而撫之故仲冬斬陽木仲夏斬陰木所以撫木辰春季春出火季秋納火所以撫火辰司空阪隤以撫土辰秋為徒社春達溝梁以撫水辰又春德在木布德施惠順木辰也餘倣此

漢天文志曰木仁也火禮也土信也金義也水智也金星與日同南北之行為贏與日分南北之次為縮出早為月食出晚為天妖主兵象也木星所在國不可伐而可以伐人超舍為盈退舍為縮出入不當其次必有天妖水星出早為日食出晚為彗四時不出則天下大饑出於房間主地動也火行一舍二舍為不祥東行疾則兵聚於東方西行疾則兵聚於西方鎮星失次而上一舍三舍則為大水失次而下二舍有

后戚之變其詳見於漢晉志

木為歲星其德配仁其方配東其時配春超舍為盈  
退舍為縮出入當其軌則國有慶不當其次必有天  
妖

木者東方之正氣秉天三之陽得地八之陰卦為震  
異時為甲乙其性曲直其味作酸質陽而氣陰也其  
行天所以導和生氣十二年一周天木星所在國不  
可伐而可以伐人超舍為盈退舍為縮出入不當其

次必有天變時灾當其軌則國有徵祥其應龍見郊  
原木辰不撫則木氣弱而金賊乘之故刑罰濫而兵  
革興矣

火為熒惑其德配禮其方配南其時配夏火行一舍  
二舍為不祥出入當其道則國有慶失次為旱饑

火為南方之正氣秉天七之陽得地二之陰其卦為  
離其時丙丁其性炎上其味作苦質陰而氣陽也其行  
天所以佐理化氣七十九年一大周天二年一小周

天火行一舍二舍為不祥東行疾則兵聚於東方西  
行疾則兵聚於西方南行主火北行主旱火辰不撫  
則火弱而水賊乘之由是淫雨降而潦水興

土鎮星其德配信其位居中其時寄旺其行順軌國  
有慶失度為國戚

土者中央之正氣秉天五之陽得地十之陰其卦坤  
艮其時戊己其性厚載其味作甘質陽而氣陰也其  
行天所以升降日月鎮四氣二十九年一周天土星

失次而上一舍二舍則為大水而下一舍二舍則為國戚土辰不撫則土氣弱而木乘之於是草木解落人民遷徙

金為太白其德配義其方配西其時配秋其行順軌為國慶失度有天殃

金者西方之正氣秉天九之陽得地四之陰其卦乾兌其時庚辛其性從革其味作辛質陰而氣陽也其行導輔太陽出沒一歲一周天凡金星與日同南北

之行為盈與日分南北之行為縮出早為日蝕出晚  
為天妖其兆主兵金辰不撫則金氣弱而火賊乘之  
於是蟄蟲滋生寒暑不節

水為辰星其德配智其方配北其時配冬其行順軌  
則歲豐失舍則兵興

水者北方之正氣秉天一之陽得地六之陰其卦為  
坎其時壬癸其性潤下其味作鹹質陽而氣陰也其  
行天所以輔相太陽出沒一歲一周天水星出早為

日蝕出晚為慧孛四時不出則天下大饑出於房間  
主地震出於星紀主大水水辰不撫則水弱而土賊  
乘之由是愆陽多而早燥至矣

五緯距合

晦朔弦望其遲速不因日若五星則因日而有遲留  
伏逆矣近日則疾遠日則遲遲甚而留留久而退初  
遲退漸疾退最疾而後遲退如初退止而留留久而  
順行却從最遲以至於最疾最疾則與日同躔也歲



星最疾約四日行一度熒惑最疾約七日行五度鎮  
星最疾約七日行一度此三星比日行度較少故伏  
合以後日在前歲星距日十三度而晨見熒惑距日  
十九度而晨見鎮星距日十八度午而晨見晨見則  
在東方大約近一遠二而留周天相年而退歲星初  
留約距日一百九度初退約距日一百三十一度熒  
惑初留約距日一百三十四度初退約距日一百四  
十四度鎮星初留約距日九十四度初退約距日一

百二十八度凡退行最疾之時必與日對衝退止而留則背距日如初退之度留久而順行則背距日如初留之度日近於後躔漸近而行漸疾背近如晨見距日度則伏而光不著矣與日未對衝之先夜半後可望謂之晨段與日既對衝之後夜半前可望謂之夕段太白辰星則不然太白最疾約四日行五度行五度有餘辰星最疾約一日行一度有餘此兩星常比日行度較多伏合以後則過日而前太白距日兩

度半而夕見辰星距日十六度而夕見夕見則在西  
方太白距日甚遠不過四十五度辰星距日甚遠不  
過二十四度既已甚遠則所行遲比日較少由是漸  
與日近太白距日三十度有餘而初留辰星距日二  
十一度半而初留太白留後距日二十四度有餘而  
初退辰星留後距日十九度半而初退退行之際與  
日相近如夕見之度伏而不著與日相遠如夕見之  
度晨見於東退行最疾之時與日必同度退正而留

則距日如初退之度留久而順行則距日如初留之  
度遲行漸疾而漸近日距日如退伏之度則久退而  
不著矣與日未退合之先昏後可望謂之夕段與日  
既小合之後曉前可望謂之晨段蓋金木形體大固  
伏見與日遠歲星八十三年而七周天與日合度者  
七十六合期約三百九十九日熒惑七十九年而四  
十二周天與日合度者三十七合期約七百八十日  
鎮星五十九年而二周天與日合度者五十七合期

約三百七十八日太白辰星與日常相近隨日一年  
一周天太白八年而五合於日退合者又五約五百  
八十四日而順逆兩合辰星四十六年之間合於日  
者一百四十五退合亦然約一百一十六日而順逆  
兩合此乃五緯之常數也古法唯知有常度未知有  
變數之加減北齊張子信仰觀歲久知五緯有盈縮  
之變當加減常數以求其逐日之躔蓋五緯不由黃  
道內外各自有其道視日遠近為遲疾如足力之有

勤倦其變數之加減如里路之徑直斜曲也歲星加減最多處二十五度有餘填星加減最多處八度有餘太白加減最多處四度有餘辰星加減最多處六度有餘此乃五緯盈縮之變數也若夫羅侯計都月孛紫氣則其行均平無有遲疾羅侯計都從月交黃道求之月交之終始該三百六十三度七十九分三十四秒歷二十七日二十一分二十二秒二十四毫羅計於其間各逆行一度四十六分三十秒其數併

月行交終之度即黃道周天之度凡十八年有餘而  
周天交初復在舊躔矣月孛從月之盈縮而求盈縮  
一轉二十七度五十五分四十六秒月行三百六十  
八度三十七分四秒半孛行三度十一分四十秒半  
黃道周天之度併孛行數即月行數也凡六十二年  
而七周天月行最遲之處與之同躔矣紫氣起於閏  
法約二十八年而周天授時歷以一十日八十七分  
五十三秒八十四毫為一歲之閏紫氣則一歲行十

三度五分四秒六十毫八十芒兩數比之乃加二之  
算二十八年十閏紫氣行十二宮亦加二之算也舊  
云紫氣即景星罕聞其見史記註云景星狀如半月  
生於晦朔助月為明則人君有德初盛之慶也五緯  
與月孛紫氣皆以左旋步之羅侯計都逆行乃右旋  
步之設十一曜不附天而空轉則右轉者亦皆左旋  
其留者一日繞地一周與天同過一度行疾者反為  
遲行遲者反為疾退者反為疾之甚矣蓋順行而遲



疾者皆一日繞地一周以不及天行之數為所行度  
退行者乃一日繞地一周多退天行之數退遲者先  
天不甚多退愈多則愈失矣以物喻之日月猶魚也  
魚行江河不著其底必憑江河之水以行或逆或順  
各任其情日月雖懸虛不附於天意其必憑天之氣  
以行五緯之行亦猶是也夫在天成象日月星辰皆  
象也而日月五星獨異於衆自有行度者此陰陽五  
行之精為造化之妙非衆星之比也日月五星體性

不齊故遲疾有異亦當以陰陽五行別之

五辰旺相休囚

附

歲星在春曰旺其色比心左角大而青精光立春後  
滿七十日後十八日始見色黃仲春之時有芒角在  
冬曰相其色黑精光而芒角在夏曰休其色青黃無  
精光在四季曰囚其色青微黑在秋曰死其色細小  
不明

熒惑在夏曰王其色比心大星大而赤精光仲夏有

芒角在春曰相其色精光無芒角在季夏曰休其色  
精赤無精光在秋曰囚其色青白不明在冬曰死其  
色黃細不明

鎮星在四季曰王其色正黃比北極中央大星而明  
有芒角在夏曰相其色黃大而精光無芒角在秋曰  
休其色黃白無精光在冬曰囚其色黃黑不明在春  
曰死其色青白細小不明

太白在秋曰王其色比狼星精光明而有光仲秋之

時有芒角在四季曰相其色精光而無芒角在冬曰  
休其色精明而無光在春曰囚其色青黃而不明在  
夏曰死其色青黑而不明

辰星在冬曰王其色比奎大星青白精明而有光仲  
冬有芒角在秋曰相其色精明而無芒角不搖在春  
曰休其色青黃微小無精光在夏曰囚其色黃黑小  
而不明在四季曰死其色青赤小而不明

水生於北方陰位而陽已生火生於南方陽位而陰

已形故水火互根也木生於陽方陽時金生於陰方陰時而陰陽無所生故金木不互根也

五星在天高則景小低則景大素問云然

### 五星色象論

古今星釋曰凡五星之色各象四時而比擬之歲星在春如大角而有精光仲春之時有芒角熒惑在夏色比心大星而有精明仲夏之時有芒角鎮星在四季之時其色正黃比北極中央大星而精明有芒角

太白在秋其色比狼星精明而光仲秋之時有芒角  
辰星在冬其色比奎之大星精明而有光冬至之時  
有芒角歲星之色在春比左角而青有精明當其夏  
也其色尚青所宿國主弱臣強當其秋也其色尚精  
明所宿國有相死當其冬也其色尚如左角所宿國  
臣下專政熒惑之色在夏比心之大星有精明仲夏  
有芒角當其秋也其色尚青有精明所宿國相蔽主  
聰當其冬也其色尚黃有芒角所宿國不可舉事用

兵當春也其色尚如心之大星所宿國讒臣用事妬  
賢嫉能鎮星之色在四季之時其色正黃比北極中  
央大星而精明有芒角當四孟之月其色尚黃而精  
明所宿國臣下專恣人君受制當四仲之月其色尚  
黃而有芒角所宿國女主請謁行又曰女主擅政太  
白之色在秋其色比狼星精明而有光仲秋之時有  
芒角其色尚精明而有光所宿國有急兵亦曰軍破  
將死當其秋也其色尚精明而有芒角所宿國武吏

縱橫亦曰將有叛志當其夏也其色尚如狼星所宿  
國不有破軍必有屠城辰星之色在冬比奎之大星  
精明有光冬至則有芒角當其春也其色尚精明而  
有光所宿國大水當其夏也其色尚精明而有芒角  
所宿國大臣受禍當其秋也其色尚比奎之大星所  
宿國女主有憂亦曰後官有憂

五星得位論

天文別錄曰凡五星所出行所直之辰其國為得位



得位者歲星以德熒惑有禮鎮星有福太白兵強辰  
星陰陽和又曰五星得位者勝所直之辰順其色而  
角者勝其色害者敗晉灼曰鄭色黃而赤蒼小敗宋  
色青而赤黑小敗燕色黃小敗皆大角勝也

古今星釋曰凡五星循軌不失本色所直之辰所宿  
之國為得位及色勝者國昌不得其位及色不勝者  
國亡人君有德則歲星得其位色青而潤澤者勝人  
君有禮則熒惑得其位色赤而潤澤者勝人君有福

則鎮星得位色黃而潤澤者勝人君兵強則太白得其位色精明而有其光者勝人君順陰陽之序使無愆忒則辰星得其位色蒼而微有光者勝五星反是者敗

大象旁通曰凡五星得位者所宿國昌五星失位所宿國亡故星傳以為得位者謂五星所出所行所直之辰其國為得位順其色而有角者勝其色害者敗居實君有德也居虛君無德也色勝位行勝色行德

盡勝之

五星入廟論

河圖遺書曰營室為清廟歲星廟也心宿為明堂熒惑廟也南斗為文大室鎮星廟也亢星為疏廟太白廟也七星為員宮辰星廟也五星行至其廟謹候其行

古今星釋曰五星循軌順入廟宮所宿國昌其年穰君有福若五星逆行失度入廟宮是謂逆入其年歲

饑人相食亦曰有暴兵起

大象旁通曰歲星順守廟宮其野歲穰若逆入廟宮  
其野歲歉民饑熒惑順守廟宮其國人君有逆地之  
喜若逆入廟宮其國人主有憂亦曰禁廷有災鎮星  
順守廟宮其國有德令以及天下若逆入廟宮其國  
禮樂法度不自天子出太白順守廟宮其國兵強軍  
威大振若逆入廟宮其野軍覆將死一曰有亂兵辰  
星順守廟宮其野徙都市

五星下降論

河圖遺書曰凡五星盈縮失位其精降於地為人歲星降而為貴臣熒惑降而為童兒歌謠嬉戲鎮星降而為老人婦人太白降而為壯夫處於林麓辰星降而為婦人吉凶之應隨其象占之

古今星釋曰凡五星越舍而盈退舍而縮不循軌度而失其位則其精必降於地精降而為人吉凶禍福各隨其行止以占之歲星越舍而失位其精降於地

為貴臣多衣金紫手有所執行則大臣被黜大臣止  
則政令不通下情若退舍而失位其精降于地為貴  
臣多冠冕手無所執行則有急政以酷民止則人君  
有憂亦曰有疾疫熒惑退舍而失位其精降於地為  
兒童歌謠嬉戲則其國有火災若退舍而失位其精  
降於地為兒童悲哀哭泣則其國有大喪鎮星越舍  
而失位其精降於地為老人行則其國興土功臣勞  
怨則其下有急兵若退舍而失位則其降於地為婦

女行則其下有強臣止則其野有走君大白越舍而失位其精降於地為壯夫處於山林行則其國以兵亡止則其下有亂君退舍而失位其精降於地為壯夫處於田野行則其野徙都市止則其國有死君亦曰有大兵喪辰星越舍而失位其精降於地為婦人行則其國有女主憂止則有女喪

五星相合論

同舍為合相陵為闕二星相近其殃大五星相遠毋傷以七寸內占之

天文志曰凡五星木與土合為內亂饑荒木與水合

為變謀而更事木與火合為饑為旱木與金合為白  
衣之會合闕國有內亂野有破軍為水灾太白在南  
木在北名牝牡穀大熟金在北木在南年或有或無  
火與金合為爍為喪不可舉事用兵從軍為軍憂離  
之軍却出太白陰分軍出其陽偏將戰火與土合為  
憂主孽卿與水合為北軍用兵舉事大敗一曰火與  
水合為淬不可舉事用兵

土與水合為壅沮不可舉事用兵有覆軍敗師土與



金合為疾為白衣會為內兵其國亡地土與木合國  
饑

水與金合為變謀為兵憂入太白中而出破軍殺將  
客勝下出客亡地視其所指以命破軍

漢成帝河平二年十月下旬鎮星與鬼先到歲星熒  
惑亦貫輿鬼十一月上旬歲星熒惑去鎮星西北逆  
行占曰三星若合是謂驚立是謂絕行外內有兵喪  
改立王公其十一月丁巳夜郎王韻大逆不道牂柯

太守立捕殺韻二年九月甲戌東郡莊平男子侯母  
辟兄弟五人羣黨為盜攻燔官寺溥縣長吏盜取印  
綬自稱將軍三月辛卯左將軍千秋卒四年四月戊  
申梁王賀薨

後漢和帝永元七年八月甲寅水土金俱在軫春秋  
緯曰五星入軫者為兵大起巫咸曰五星入軫者司  
其書而數之期二十日皆為兵喪司始入處之卒一  
日期十日軍罷石氏經曰辰星守軫歲水却萌曰鎮

星出入屆舍軫六十日不下必有大喪春秋緯曰大白入軫兵大起郗萌曰大白守軫必有死王後八年樂成王黨七月樂成王宗皆薨將兵長吏吳岑坐事徵下獄誅十月北海王威自殺十二月陳王羨薨又曰三星合軫為白衣之會

晉元帝建武元年五月癸未大白熒惑合於東井占曰金火合為爍為喪是時愍帝蒙塵于平陽七月崩子冠庭立

大興二年四月甲午七月甲午歲星熒惑會于東井  
占曰為兵饑二年六月丙辰大白與歲星合于房永  
昌元年王敦攻京師六軍敗績王敦尋死

晉成帝咸康七年三月大白熒惑合于太微中犯左  
執法明年顯宗崩

晉穆帝永和七年三月戊子歲星熒惑合于奎其年  
劉顯殺石祗及諸邊師中土大亂

晉安帝元興三年二月壬申大白熒惑合于羽林二

年十一月桓玄篡位遷帝于永安宮三年二月劉裕起義兵桓玄逼帝東下

義熙二年十二月丁未熒惑大白皆入羽林又合于壁三年正月慕容超寇淮北徐州空下邳八月遣劉敬宣伐蜀

五星相鬪論

天文志曰五星同舍為合五星相陵為鬪二星相近其殃大相遠無傷皆以七寸內占之

凡木火土金與水鬪為戰兵不在外皆為內亂水繞環太白若與鬪大戰客勝

古今星釋曰歲星逆行不循軌度而陵大白是謂逆鬪其野金不從革國多暴兵亦曰無兵兵起歲星越舍而陵熒惑是謂盈鬪其野多火災不爾大旱歲星退舍而陵鎮星是謂縮鬪其下多土功民勞怨歲星失行失色而陵辰星是謂失鬪其國多大水亦曰有兵喪熒惑逆行不循軌度而陵歲星是謂鬪之逆也

其國歲凶民大饑熒惑越舍而陵太白是謂盈陵而  
鬪之爍也其下多兵火熒惑退舍而陵鎮星是謂縮  
陵鬪之反坐也其國多水旱熒惑失行失色而陵辰  
星是謂失位而鬪之淬合也臣下多陰謀鎮星逆行  
不循軌度而陵歲星是謂陵制而鬪之尅也其國多  
土役違農時民怨為盜鎮星越舍而越陵熒惑是謂  
盈陵而鬪之反常也其下多奸謀亦下謀上鎮星退  
舍而陵太白是謂縮陵而鬪之復生也其國多急兵

亦曰軍政急鎮星失行失色而陵辰星是謂壅沮也  
其國江河暴決洪水橫流泛濫于天下大白逆行不  
循軌度而陵歲星是謂反制其國多暴令亦曰有苛  
酷之政以虐民大白越舍而陵熒惑是謂盈縮而鬪  
之甚也其國以兵亡大白退舍而陵鎮星是謂縮勝  
而鬪之淺也其下有兵兵止無兵兵起大白失行失  
色而陵辰星是謂失經其國多陰事亦曰女主擅辰  
星逆行不循軌度而陵歲星是謂易常其下多饑民



糴貴人死亦曰水灾辰星越舍而陵熒惑是謂泮合  
闕之灾也其野有大兵喪辰星退舍而陵鎮星是謂  
失道其下王道不行辰星失行失色而陵太白是謂  
溺本其下多大水舟船入井邑市人操舟楫糴貴民  
饑

漢孝成帝建始四年七月熒惑踰歲星居其東北半  
寸形如連珠時歲星在關星西四尺所熒惑初從畢  
口大星東北往數日至往疾去遲占曰熒惑與歲星

閩有病君歲饑至河平元年三月旱傷麥民食榆皮  
二年十二月壬申大皇太后避時昆明東觀

晉惠帝永寧二年十一月熒惑大白闕于虛危占曰  
大兵起破軍殺將虛危又齊分十二月熒惑襲大白  
于營室占曰天下起兵亡君之戒又曰易相初齊王  
冏來京都因輔政專傲無君是月成都河間檄長沙  
王義討之冏義交戰攻焚宮闕冏兵敗夷滅又殺其  
兄上軍將軍寶以下二十餘人大安二年成都又攻

長沙於是公私饑困百姓力屈

月蝕五星論

天文別錄曰凡月蝕五星其國棄祀月蝕歲星天下  
大饑月蝕熒惑天下大亂月蝕鎮星人君好殺月蝕  
太白強國侵陵月蝕辰星則有內亂亦曰有女亂各  
以其所在之國命之

陳卓叙占月蝕五星其國皆亡五星入月其野有逐  
相又曰凡星入月見月中為星蝕月月奄星星滅為

月蝕星

古今通占曰月蝕五星其國皆亡歲以饑熒惑以亂  
鎮以殺大白強國以戰辰以女亂

漢宣帝地節元年正月戊午乙夜月蝕熒惑

孟康曰  
凡星入

月見月中為星蝕月月  
蝕星減為月蝕星

占曰有死亡期近一年遠二年是時楚王延壽謀逆  
自殺

漢成帝建始四年十一月乙卯月蝕鎮星星不見時

在輿鬼西北八九盡所占曰月蝕鎮星流民千里河  
平元年三月流民入函谷關

後漢孝明帝永平十五年十一月乙丑大白入月中  
為大將戮人主亡不出三年後三年孝明帝崩

### 五星變色論

石申占曰凡五星之色各有常失其常則為變五星  
之色各隨其變以占之荊州占曰歲星在東方之宿  
色當青若赤若白皆為兵黑則有喪歲星在西方之

宿色當白而角色青有憂色赤有兵色黑則有大兵  
喪歲星在北方之宿色當黑而色青有憂色白有兵  
色白而角有大兵又曰歲星正見南方芒角黃白指  
子午卯酉王者心正若芒邪角不正及變色則王者  
心不正青白赤色皆有急兵

熒惑在東方之宿色當微青而赤若白若黑為急兵  
若大青而角則破軍殺將熒惑在西方之宿色當微  
赤而白若青若黑為女喪若白而角其野更政熒惑

在南方之宿色當政赤而精明若青若白其野內外  
有喪若黑而角則其國有哭泣事熒惑在北方之宿  
色當赤而微若青若白其野有急政若大赤而角其  
國君亡

太白在東方之宿色當白而微黃若赤若青其野有  
兵與喪若太白而出怒角其下有改立侯王太白在  
西方之宿色當政白而精明若青若赤其下人君有  
憂若黑而微其國有亡地亦曰有屠城大白在南方

之宿色當白而微赤若青若黑其下大水民饑若大  
赤而出怒角其野大旱民饑太白在北方之宿色當  
蒼白而潤澤若赤若青其下人君有憂若色蒼而出  
怒角其國君無出宮下有伏兵

辰星在東方之宿色當蒼白而精明若赤若黑其下  
大水若大白而角其國有酷令辰星在西方之宿色  
當青白而微光若赤而角其國有君變殺主將辰星  
在南方之宿色當青黑而光潤若赤若白其國有讒



謫害忠良辰星在北方之宿色當精明而潤澤若青  
若赤其國將棄祀亦曰國祚將亡

鎮星在四季之時其色正黃精明而有芒角若青若  
赤其國多亂兵在春則其色當無精明若青若白蒼  
赤其國多土役在冬則其色當赤黑細小不明若復  
精明若有芒角其國歲歉人相食在春則其色當青  
白細小不明若不青不白其國有峻令若明大而  
不  
細小則其國多妖言政令

五星出不出論

河圖遺書曰凡五星分天之中積于東方中國利積于西方外國用兵者利辰星不出太白為客其出大白為主出與大白不相從及各出一方為格野雖有軍不戰古今釋星曰歲星當出而不出其國歲凶未當出而出其野有內憂熒惑當出而不出其國有兵喪未當出而出其野有大變鎮星當出而不出為內兵為急戰未當出而出為兵饑太白當出而不出是

為失舍其下不有破軍必有亡國未當出而出是為  
越舍其下有破國辰星當出而不出其下有大水災  
傷禾稼糴貴民饑未當出而出其國有大兵喪亦曰  
有女喪

星傳曰凡五星之出不出繫乎人君之政急緩也歲  
星政緩則不行急則過逆則占熒惑政緩則不出急  
則不入違道則占鎮星政緩則不還急則過舍逆則  
占大白政緩則出急則不入逆則占辰星政緩則不

出急則不入非時則占

漢三年秋大白出西方有光幾中乍北乍南過期乃入辰星四孟是時項羽為楚王而漢已定三秦與相距滎陽太白出西方有光幾中是秦地戰將勝西漢國將興也辰星出四孟易王之表也後二年漢滅楚辰星當出四仲不四仲而出四孟乃易王之象也

漢孝昭帝始元中大白出西方下行一舍後上二舍而下去大白主兵上復下將有戮死者後大白出東

方入咸池東下入東井人臣不忠有謀上者其後左  
將軍桀驃騎將軍安與長公主燕刺王謀作亂成伏  
其辜兵誅烏桓

漢孝宣帝本始二年七月壬戌中夜辰星與參出西  
方其二年十月辛亥夕辰星與翼出皆為蚤占曰大  
臣誅

五星伏見論

天文別錄曰五星五德之主其行或入黃道裏或出

黃道表猶月行出有陰陽道也然出入無常不可以  
算數求也其東行曰順西行曰逆順則疾逆則遲通  
而率之終為東行矣不東不西曰留與日相近而不  
見曰伏伏與日同度曰合其留行逆順掩合犯凌變  
色芒角凡其所主皆依時政五常五官五事之得失  
而見其變

天文總占凡五星見伏留行逆順遲速應歷度者為  
得其行正合于常違歷錯度而失路盈縮者為亂行

亂行則為天矢慧字而有亡國乖政兵饑喪亂之禍  
云

古歷五星並順行秦歷始有金火之逆又甘石氏並  
時自有差異漢初測候乃知五星皆有逆行其後相  
承罕能察至後魏末清河張子信學藝博通尤精歷  
數因避葛榮亂隱于海島中積三十許年專以渾儀  
測候日月五星差變之數以算步之始悟日月交道  
有表裏遲速五星伏見有感召向背言日行在春分

後則遲秋分後則速合朔月在日道裏則日盈若在赤道外雖交而不虧月望值交則虧不問表裏又月行遇木火土金四星向之則速背之則遲五星行四方列宿各有所好惡所居遇其好者則留多行遲見早遇其惡者則留少行速見遲與常並差三十許度其辰星之行見伏尤異晨應見在雨水後立夏前或見在處暑後霜降前者並不見于驚蟄立夏立秋霜降四氣之內晨夕去日前後三十六度內二十八度



外有木火土金一星有者見無者不見後張胃玄劉孝孫劉焯等依此差度為定入交蝕分及五星定見定行與大密會皆古人所未得也

五星在陰論

天文別錄曰凡五星之行入黃道裏或出黃道表猶月行出有陰陽道也若歲星失行在陰其下歲大荒亦曰有兵饑熒惑失行在陰其國有火災亦曰有誅伐事鎮星失行在陰其國有土役勞民力大白失行

在陰其國有急兵亦曰有死將辰星失行在陰其國大水灾毀城色傷人民凡五星在陰各以其舍命國而吉凶在焉

漢孝景帝四年七月癸未火入東井行陰占曰為誅罰又為火災後二年有栗氏事後未央東闕災

五星所主論

天文別錄曰歲星主太山徐州青州兗州熒惑主霍山揚州荊州交州鎮星主嵩山豫州太白主華陰山

涼州雍州益州辰星主恒山冀州幽州并州

古今星釋曰歲星主角亢氐房心尾箕熒惑主輿鬼  
柳星張翼軫鎮星主東井太白血奎婁胃昂畢觜參  
辰星主斗牛女虛危室壁

五星常色論

天文志曰凡五星有色色變有類凡五星色青比參  
之左肩五星色赤比心之大星五星色黃比參之右  
肩五星色白比狼星五星色黑比奎之大星若五星

不失本色而應其四時者吉色害其行者凶

天文總占曰歲星之色春青而有精光仲春之時有  
芒角冬色白精光芒角夏色赤黃而精明四季色青  
微黑秋色細不明其色如常則天下利平失常則變  
變則凶各以其舍命國所在熒惑之色夏赤而有精  
明仲夏之時有芒角春色精明無芒角四季色黑黃  
精明秋色清白不明冬色黑黃細而不明其色如常  
則天下和平失常則變變則凶各以其舍命國所在

鎮星之色在四季正黃而有明有芒角秋色無精明  
冬色赤黑細小不明春色青白細小不明其色如常  
則天下和平失常則變變則凶各以其舍命國所在  
大白之色在秋則精明而有光仲秋之時有芒角四  
季之色精明而無芒角在冬則無精明而無光在春  
之色青黃而不明在夏則色細小而不明在秋則無  
其精明色而無光其色如常則天下和平失常則變  
變則凶各以其舍命國所在辰星之色在冬則精明

而有光冬至之時有芒角在秋則其色精明無芒角  
不搖光在春則其色蒼黃微小無精明在夏則其色  
黃小黑如不明其色如常則天下和平失常則變變  
則凶各以其舍命國所在

五星色圓論

河圖遺書曰凡五星色皆圓白為喪為旱五星色圓  
赤中不平為兵五星色圓青為憂為水五星色圓黑  
為疾疫為多死五星色圓黃為吉

天文志曰凡五星同色天下偃兵百姓安寧歌舞以  
行不見疫災五穀蕃昌

五星有角論

河圖遺書曰凡五星有角而赤兵犯我城五星有角  
而黃其地爭五星有角而白有哭泣聲五星有角而  
青則有兵憂五星有角而黑則有大水

古今星釋曰歲星出怒角而赤其野大旱出怒角而  
青其下有憂出怒角而白其下有急兵出怒角而黑

如不明其野有陰謀出怒角而黃潤其野大穰

注古曰

歲星出角各以五色占之謂非時出怒角而不得四時常色者此也

熒惑出怒角而赤其國多火災亦曰旱荒出怒角而

青其國君多內憂亦曰有失喪出怒角而白其野邊

將亂為出怒角而黑如不明其國有匿謀亦曰有女

主擅權出怒角而黃潤其國益地

古今注曰熒惑出一角失常其殃淺

出二角其殃深出四角已上其為禍尤甚

鎮星出怒角而赤其國多土功民勞怨出怒角而青



其國有饑民出怒角而白其下有死將出怒角而黑  
如不明其國有水患出怒角而黃潤其野人君有慶  
大白出怒角而白其下有覆軍殺將亦曰國以兵亡  
出怒角而赤其國有兵火出怒角而青其下有叛將  
出怒角而黑似不明其國有女主喪亦曰後宮有憂  
出怒角而黃潤其大將受賞

辰星出怒角而黑似不明其野大水飄泛井邑出怒  
角而青其國大饑民困出怒角而赤其國大早有兵

火出怒角而白其國有內亂亦曰禁衛有變出怒角而黃潤其野王者有喜慶事

大象旁通曰凡五星得常色則精明而光澤不得其常則出怒角乍東乍西乍動乍靜各隨五色以占之而吉凶在焉

五星繫八卦論

古今星釋曰凡五星居四正與四隅之方皆曰繫八卦各隨星所繫而命其卦則吉凶可知矣歲星失其

變色繫乎乾則其國君有憂歲星繫坤其野地動民  
灾歲星繫坎其野大水歲歉民饑歲星繫離其野大  
旱歲星繫震其國號令不振歲星繫艮其野山崩或  
山鳴歲星繫巽其國人君無德歲星繫兌其國多土  
功民怨怒

熒惑失行變色繫乎乾其國有內憂亦曰內庭有火  
灾熒惑繫坤其野有女喪熒惑繫坎其國水旱不時  
熒惑繫離其國多水灾熒惑繫震人君憂喪熒惑繫

其國有兵變熒惑繫巽其國小人乘君子之器熒惑繫兌其國有暴政民怨

鎮星失行變色繫乎乾其國君有急政以毒民鎮星繫乎坤其下有女主擅國政鎮星繫坎其國后族朋黨盛朝士側目鎮星繫離其國多土功鎮星繫震其下德政大壞鎮星繫艮其國不寧亦曰有不庭方鎮星繫巽人君無德令以及民鎮星繫兌其下民怨

大白失行變色繫乎乾其國有死君亦曰用兵亡國

大白繫坤其下女主有陰謀大白繫坎其國江河暴  
決禾稼傷人民溺大白繫離其國多兵火大白繫震  
其國君政隳廢號令不專大白繫艮其國有變謀大  
白繫巽其國無德大白繫兌其下失三軍心亦曰百  
姓有離心

辰星失行變色繫乎乾其國大水入都市辰星繫坤  
其國后族于時政辰星繫坎其國洪水橫流泛濫于  
天下辰星繫離其野大大旱之荒辰星繫震其國多

雨水辰星繫艮其國有山崩地陷之危辰星繫巽其野多大風拔巨木飄屋瓦辰星繫兌其國有水患興土後勞下民

五星經天論

天文別錄曰木土火三星行遲夜半經天其始皆與日合度而後順行漸遲追日不及晨見東方行去日稍遠朝時近中則留留經旦過中則逆行逆行至夕時近中則又留留而又順先遲漸速以至於夕伏西

方乃更與日合金水二星行速而不經天自始與日合之後行速而先日夕見西方去日前稍遠夕時欲近南方則稍遲遲極則留留而近日則逆行而合在于日後見東方逆極則留留而後遲遲極去日稍遠旦則欲近南方則速行以追日晨伏東方復與日合此五星合見遲速逆順留行之大經也

漢天文志曰昏旦者陰陽之大分也南方者大陽之位而天地之經也七曜行至陽位當天之經則虧伏

留逆而不居焉此天之常道三星經天二星經天三天兩地之道也

陳卓叙占曰自古厯法無木火土三星經天謂行遲也金水二星不經天謂行速也是亦三天兩地之道也用是推之此天之常道也及其變也五星之行盈縮伏留遲速逆順之異不可以常道言也五星俱有經天之理明矣

古今星釋曰歲星經天其國大饑人相食熒惑經天



有兵火鎮星經天其國大旱亦曰有土功大白經天  
有急兵亦曰國以兵亡辰星經天其國大水

秦始皇時有大白經天占曰國棄祀宗祀亡後果因  
漢楚興兵相距籍秦遂以亡

晉惠帝永寧元年自正月至于閏月五星互經天縱  
橫無常星傳曰日陽君道也星陰臣道也日出則星  
亡臣不得專也晝而見午上者為經天其占為不臣  
為更王今五星悉經天天變所未有也

石氏說曰辰星晝見其國不亡則大亂是後台鼎方伯在執大權二帝流亡遂至之夷更王迭據華夏亦載籍所未有也其四月歲星晝見五月大白晝見同前

晉安帝義熙元年至十四年大白經天者九皆華伐更王臣失君之象也是後劉裕受宋公帝遜位于宋候五星論

海上通占曰凡五星見伏留行逆順遲速應歷度者

為得其行政合于常違歷錯度而失道盈縮者為亂  
行亂行則有亡國乖政兵急喪亂之禍云

歲星政緩則不行急則過分逆則占熒惑政緩則不  
出急則不入違道則占鎮星政緩則不還急則過舍  
逆則占太白政緩則不出急則不入逆則占辰星政  
緩則不出急則不入非時則占五星不失行則年穀

豐昌

河圖遺書曰秦之強候大白占狼弧吳楚之強候熒

惑占鳥衡燕齊之強候辰星占虛危宋鄭之強候歲  
星占房星晉之強候辰星占參秦并吞三晉燕伐自  
河山以南者中國中國于四海內則在東南為陽陽  
則日歲星熒惑鎮星占于街南畢主之其西北胡貉  
月氏稱裘引弓之民為陰陰則月大白辰星占於街  
北昴主之故中國山川東北流其繼首在隴蜀尾沒  
於渤海碣石是以秦晉好用兵復占大白大白主中  
國而胡貉數侵掠獨占辰星出入躁疾常主夷狄此

其大經也

大歲在四仲則歲行三宿歲在四孟四季則歲行二宿二八十六三四十二而行二十八宿十二歲而周天

候熒惑

常以十月入太微受制而出行列宿司無道出入無常也

候鎮星

常以甲辰元始建斗之歲行一宿二十八歲而周天也

候大白

常以正月甲寅熒惑晨出東方二百四十日而一入四十日又出西方二百四十日而入三十五日而復出東方出以寅戌入以丑未也

候辰星

常以二月春分見奎婁五月夏至見東井八月秋分

見角亢十一月冬至見牽牛出以辰戌入以丑未二  
旬而入晨候之東方夕候之西方也

### 五星合聚論

天文別錄曰凡五星所聚合以其事致天下四星從  
歲星以義四星從熒惑以禮四星從鎮星以重大白  
從辰星以法從各以其事致天下也

五星若合是謂易行有德受慶改立王者奄有四方  
子孫蕃昌亡德受殃離其家鄉滅其宗廟百姓離去

被蒲四方五星皆大其事亦大皆小其事亦小

漢元年五星合聚東井以厯推之從歲星也此高祖受命之符也故客謂張耳曰東井秦分漢王入秦五星從歲星合聚當以義致天下秦王子嬰降於枳道漢王以屬吏寶玉婦女無所取閉宮封門還軍次於灞上以候諸侯與民約法三章民無不歸心者可謂行義矣天之所予也五年遂定天下即帝位以明歲星崇義東井為秦之明效也



四星合聚論

天文別錄曰四星若合是謂太濫其國兵喪並起君子憂惶小人流亡

晉孝武帝大元十九年十月大白鎮星熒惑辰星合于氏占曰為亂饑為內兵至隆安元年王恭等舉兵顯王國寶之罪朝廷殺之是後連歲旱饑

晉安帝義熙三年二月癸亥熒惑鎮星大白辰星聚于奎婁從鎮星也徐州分是時慕容超僭號于齊兵

連徐充連城寇掠至於淮泗姚興譙縱偕號秦蜀盧  
循及魏南北交侵其五年劉裕殄慕容超

義熙九年三月壬辰歲星熒惑鎮星大白皆聚東井  
從歲星也東井秦分十三年劉裕定關中其後遂移  
晉祚

三星合聚論

天文別錄曰三星若合是謂鷲立絕行其國外內有  
兵與喪百姓饑餓改侯王

漢孝文帝後元二年四月乙巳水木火三星合於東井占曰外內有兵與喪改立王公東井秦也是歲誅反者周殷于長安市其七年六月文帝崩

漢孝景帝元年七月乙丑金木火三合於張占曰外內有兵與喪改立王公張周地金之河南也又為楚王三年吳楚膠西膠東淄川濟南趙七國及吳楚攻梁膠東西及淄三國圍齊漢遣大將軍周亞夫等戍止河南以候吳楚遂敗之吳王走粵攻殺之平陽侯

敗三國之師于齊遂伏其辜齊王自殺漢兵以水攻  
趙城懷王自殺六月立皇子二人楚元王子為土膠  
西中山楚濟北為淄川至淮陽魯王汝南為江都七  
月兵罷

漢成帝河平二年十月下旬鎮星在東井軒轅南端  
太星星盡餘歲星在其西北尺所熒惑在其西北二  
尺所皆從西方來鎮星貫輿鬼先到歲星次熒惑亦  
貫輿鬼十一月上旬歲次熒惑西去鎮星皆西北遂

行占日三星若合是謂驚立絕行外內有兵與喪改  
立王公其下十一月丁巳夜郎王韻大逆不道牂牁  
太守立捕殺韻

晉惠帝元康三年鎮星歲星太白三星聚于畢昴占  
曰為兵喪昴趙地也後賈后陷殺太子趙王廢后又  
殺之斬張華裴頠遂篡位廢帝為太上皇天下從此  
兵亂禍連

晉懷帝永嘉六年七月熒惑歲星大白聚牛女之間

徘徊進退占曰牛女揚州分是時懷帝傾覆而元帝  
中興於揚

晉孝武帝大元十七年九月丁丑歲星熒惑鎮星同  
在亢氐十二月癸酉鎮星去熒惑歲星復合占曰三  
星合是謂驚立絕行内外有兵喪與饑改立王公

二星合聚論

天文別錄曰凡五星木與火合為內亂饑水合為變  
謀而更事與火合為饑為旱與金石白衣之會合關

國有內亂野有破軍為水大白在南歲星在北名曰  
北壯年穀大熟大白在北歲星在南年或有或無穀  
與金合為燦為喪不可舉事用兵從軍為軍憂離之

軍却土大白陰分軍出其陽偏將戰與土合為憂主

孽

魚列切  
庶子

卿與水合為北軍用兵舉事大敗一曰火

與水合為淬淬

內切  
梁也

不可舉事用兵土與水合為雍

沮不可舉事用兵有覆軍與金合為變謀為兵憂入

大白中而上出破軍殺將視其所指以名破軍環繞

大白若與鬪大戰客勝

漢孝文帝七年十一月戊戌土與水合於危占曰為  
壅沮所當之國不可舉事用兵必受其殃一曰將覆  
軍危齊也其七月火東行行軍陽環畢東北而出西  
逆行至昴即南方東行占曰為喪死寇亂畢昴趙也  
後三年膠西膠東淄川三國攻齊國漢遣大將軍周  
亞夫等戍止河南以候吳楚之斃遂敗之

漢孝景帝元年正月癸酉金水合於婺女占曰為變



謀為兵憂婺女粵也又為蠻二年七月丙子火與水  
晨出東方因斗牛占曰其國絕祀至十二月水火合  
於斗占曰為淬不可舉事用兵必受其殃一曰為北  
軍用兵舉事大敗斗吳也又為粵三年吳楚膠西膠  
東淄川濟南趙七國反吳楚攻梁膠西膠東淄川三  
國圍齊漢遣大將軍周亞夫等戍止河南遂敗之吳  
主亡走粵攻而殺之平陽侯敗七國之師于齊咸伏  
其辜齊王自殺漢兵以水攻趙城城壞王自殺

漢孝景帝中元三年正月丁亥金水合於觜觴為白衣之會其五月甲午金木俱在東井戊戌金去木留守之二十占曰傷城於鉞木為諸侯將行誅於諸侯也是時梁王欲為漢嗣使人殺漢臣袁盎勸漢誅梁大臣梁王恐懼布軍入關伏斧鉞謝罪然後免

漢孝景帝中元三年十一月庚午夕金水合於虛相去一寸占曰為鑠為喪虛齊也四年丙申金水合於東井占曰為白衣之會井泰也五年四月乙巳水火

合於參占曰國不吉參梁也其六年四月梁孝王死  
五月陽城王濟陰王死三月天子四白衣臨邸等後  
元元年五月壬午金合於輿鬼之東北不至柳出輿  
鬼北可五寸占曰為燻有喪輿鬼秦也丙戌地大動  
鈴鈴然民大疫死棺貴至秋止

晉惠帝光熙元年九月鎮星合歲占曰鎮與歲合為  
內亂是時司馬超專權於中以無禮破滅內亂之應  
也十二月癸未太白合鎮星占曰為內兵有大戰是

後河間為東海王越所殺正月東海王越殺諸葛政  
等五月汲桑破馮嵩殺東燕王八月荀晞大破汲桑

圖書編卷十九

欽定四庫全書

圖書編卷二十

明 章潢 撰

歲星總叙

歲星一曰攝提又曰重華曰應星曰紀星東方青帝  
靈威仰之神蒼龍之精木海之宿歲行一次十二年  
一周天與歲相應故謂之歲星人主之象主道術五  
常為仁五事為貌仁虧貌失逆春令傷木氣則罰歲

星主春其日甲乙其辰寅卯其卦震巽其音角其數  
八其帝大皞其神勾芒歲星所在其國有福逆之則  
怒為殃尤甚歲星主司人君過失主齊兵以東之國  
又為農官主五穀所居之宿五穀蕃昌其對為衛歲  
乃有殃歲星所在之國不可伐可以伐人所留之桎  
吉去之桎凶

歲星吟

東方歲星名曰木精蒼帝之子光大而明所在之分

莫之與京人君布德不可加刑君若不仁禍滿寰瀛  
下謀其主弟凌其兄赤黃多蟲旱白黑為水兵合金  
分野君喪犯土后妃將傾入太微君憂有赦犯東井  
將相出征守雙魚魏國用斧繞虛危齊地交兵守房  
五穀豐穰留心天下安寧逆行為凶為賊晝見主弱  
臣強在角忠臣進用留尾儲副相承歷氏內多有喜  
犯亢豐稔和平經箕中宮口舌入斗爵祿豐盈乘虛  
魚行人道犯女宮娠歡盈環斗棘死瘡害繞危祠祀

不馨在室后宮安泰犯璧賢士稱情入奎有道者進經  
婁教令不行守胃大官囹圄在昴王者嚴刑犯畢守  
婁灾見入牛乘箭入井獄訟兵憂繞天屍

鬼中積  
屍氣也死

過半犯柳五穀結稠留張君臣和順八翼五穀少成  
留軫乃為喪病侵房將相皆愁勗哉有土君子慎獨  
撫惓增崇景福神祐其居懲惡窒慾奉三無私降為


戩穀



# 歲星遲留伏逆之圖



# 歲星伏見一終圖



伏見一十三度

終積三百九十八日八分

行星三十三度六十三分七十五秒合

距周而復始

距日十二度初疾漸遲

距日一百九度而留

距日一百三十一度而退初疾漸遲

退止而留背距日一百三十一度

留久而順背距日一百九度初遲漸疾

背距日十三度而伏合

最疾約四日行一度

加減最多處約七度

合期三百九十九日

晨伏 十七日行四度去日十三度五十分晨見東方

順 一百十三日行十度七十六分

留 一百十三日行十七度七十六分

晨逆 四十六百九十四分二十秒半行四度九十一分八十五

夕退 同上

留 同上

順 同

夕伏 十七日行四度復與日同度

正二三四五六七八九十十一十二閏

一虛虛危危危危危危危危危危危室室

二室室壁壁奎奎奎奎奎奎奎壁壁奎奎

三奎奎婁婁婁婁婁胃胃畢畢參參胃胃胃

四胃胃胃胃胃畢畢畢參參參參參參參畢

五畢畢參參參井井井井井井井井井井井

六井井井井井井鬼柳柳星張張張張張張張

七張張張張張張張翼翼翼翼翼軫軫軫

八翼翼翼翼翼翼軫軫軫角角角

九亢亢角角角角角角角角角角角

十心心心房房房房房房房房房

十一箕箕箕箕箕箕箕箕箕箕箕

十二斗斗斗斗斗斗斗斗斗斗斗

十三危危危室室室室室室室室室

十四室室室壁壁奎奎奎奎奎奎奎

十五奎奎奎婁婁婁胃胃胃胃胃

十六胃鼎鼎畢畢參參井井參參

十七參參參井井井井柳柳柳柳

井鬼

柳

柳

井鬼

十八井井井井菟柳柳張張張張張張

十九張張張張張翼翼翼翼翼翼軫軫軫軫

二十軫軫軫翼翼翼翼軫軫軫軫角角角角

二十一亢亢亢角角角角亢亢氏氏氏房房心

二十二心心心心房房房房房房心尾尾尾尾

二十三箕箕斗斗斗斗箕箕箕箕箕斗斗斗

二酉牛女女女女女女女斗牛女女虛

二五虛危危室室室室室室室危室室

二六室室壁奎奎奎婁婁奎奎奎奎奎

二七奎婁胃胃昴昴昴昴昴昴胃

二八胃昴昴畢畢觜參井井井井參

二九參參井井井井井鬼柳柳柳柳柳

三十鬼井井鬼柳柳星張張張翼翼

三一張張張張翼翼翼軫軫軫軫

三 軫角角角角軫軫軫軫軫角角角亢氐

三 氐氐亢亢亢亢亢亢氐氐氐房房心

三 齒心尾尾尾心心心心心尾尾尾箕

三 斗斗斗斗斗斗箕箕斗斗斗斗斗斗

三 女女女虛虛虛女女女女女女虛虛

三 危危危室室室室室室室室室室室室

三 婁婁婁胃胃昴昴畢畢畢昴昴昴昴

三 昴昴畢畢畢參參井井井井井井井井



罕靈璧奎奎奎婁婁婁婁婁奎奎奎奎

罕井井井井井井井井井井井柳柳柳柳柳

罕柳柳柳柳柳柳柳柳柳柳柳柳柳柳柳

罕翼張張張張張翼翼翼翼翼翼軫軫軫

罕軫軫軫軫軫軫軫軫軫軫角角角角角

罕氏氏氏氏堯亢亢亢亢亢氏氏氏房心心

罕尾尾尾尾尾尾尾尾尾尾尾箕箕箕

罕斗斗斗斗斗斗斗斗斗斗斗斗斗斗斗

哭女女虛虛虛虛虛虛女女女女虛虛危危

哭危危室室室室壁壁壁室室室室室室

卒靈璧奎奎奎婁婁婁婁婁婁婁婁婁

至婁婁胃胃昂昂昂畢畢畢畢畢畢昂昂

至昂畢畢畢參參井井井井井井井井

至井井井井井井井井井井柳柳柳柳星星星柳

至柳柳柳柳柳星張張張張張張張張翼翼翼翼

至翼翼翼張張張張張張張張軫軫軫軫軫軫



畜畢畢畢參參井井井井井井

奎井井井井井井鬼柳柳星星彙張星星

奎星柳柳柳星彙張張翼翼翼翼

奎翼翼翼翼翼翼軫軫軫角角

交角角角軫軫軫軫角角交氏氏

交氏氏氏氏氏氏氏房房心尾尾尾

斗尾尾尾尾尾尾尾箕箕斗斗

斗斗斗斗斗斗斗斗斗斗斗斗

七三 虛虛危危危危危危危危危危

七三 室室室壁壁壁奎奎壁壁壁壁

七三 璧奎奎婁婁婁胃胃胃胃胃胃婁婁

七三 胃胃胃昴畢畢畢荷參畢畢畢畢

七三 畢畢畢參參井井井井井井井井

七三 井井井井井柳柳星星張張張張

七三 張星星星星張張張張翼翼翼翼翼

七三 翼翼翼翼翼翼軫軫軫角角角角



遲距日一百九度而初留留後距日一百三十一度  
而退初遲漸疾退行最疾之時必與日對衝退止而  
留則背距日初退之度留久而順行則背距日如初  
留之度初遲漸疾而漸迫日距如神見之度則伏而  
不著矣最疾約四日行一度其加減最多處約七度  
日未對衝之前夜半後可望謂之晨段與日既對衝  
之後夜半前可望謂之夕段八十三年而七週天與  
日合度者七十六合期約三百九十九日取上古甲

子四分為八十三號每號分為十二日而置閏於其  
下閏在號前那前一月閏在號後那後一月

張衡云歲星在四仲則行三宿在四季則行二宿孟  
季之年四四一十六四仲之年三四一十二而行二  
十八宿十三年一週天木星所在國不可伐而可以  
伐人趨舍為盈退舍為縮出入不常其次必有天妖  
凡六日行一度或三日五日行一度十二月移一宮  
十二年一小週天八十三年一大週天



天原發微太歲為陰左行在寅太歲為陽右轉在丑  
太歲在卯則歲居子在辰則歲居亥又謂太歲在寅  
則歲星正月出東方在卯則二月辰出東方以此而  
推餘皆可見

史記察日月之行以揆之歲星順逆曰東方木主春  
日甲乙義失者罰出歲星歲星盈縮以其列國所在  
國不可伐可以伐人其趨舍而前曰盈退舍曰縮盈  
其國有兵不復縮其國有憂將亡國傾敗其所在五

星皆從而聚於一舍其下之國可以義致天下以攝  
提格歲歲星左行在寅歲星右轉居丑正月與斗牽  
牛晨出東方名曰監德色蒼蒼有光其失次有應見  
柳歲早水晚旱歲星出東行十二度百日而止反逆  
行逆行八度百日復東行歲三十度十六分度之七  
率日行十二分度之一十二歲而周天常出東方以  
晨入於西方用晨闕歲歲在卯星居子以二月與  
婺女虛危晨出曰降入大有光其失次有應見張名

曰降入其歲大水執徐歲歲陰在辰星居亥以三月  
居與營室東壁晨出曰青章青青甚章其失次有應  
見軫曰青章歲早早晚水天荒駱歲歲陰在巳星居  
戌以四月與奎婁胃昴晨出曰躡踵熊熊赤色有光  
其失次有應見亢敦牂歲歲陰在午星居酉以五月  
與胃昴畢晨出曰開明炎炎有光偃兵唯利公玉不  
利治兵其失次有應見房歲早早晚水叶洽歲歲陰  
在未星居申以六月與觜鶻參晨出日長列昭昭有

光利行兵其失次有應箕涖灘歲歲陰在申星居申  
以七月與東井興鬼晨出曰白音昭昭白其失次有  
應見牽牛作鄂歲陰在酉星居午以八月與柳七星  
星張晨出曰為長王作作有芒國其昌熟穀其失次  
有應見危曰大章有旱而昌有女喪民疾閹伐歲歲  
陰在戌星居巳以九月與翼軫晨出曰天睢白色大  
明其失次有應見東璧歲水女喪大淵獻歲歲陰在  
亥星居辰以十月與角亢晨出曰大章蒼蒼然若躍

而陰出旦是謂正平起師旅其率必武其國有德將  
有四海其失次有應見婁困敦歲歲陰在子星居卯  
以十一月與氐房心晨出曰天泉玄色甚明江池其  
昌不利起兵其失次有應在昴赤奮若歲歲陰在丑  
星居寅以十二月與尾箕晨出曰天皓黥然黑色甚  
明其失次有應見參當居不居居之又左右搖未當  
去去之與他星會其國凶所居久國有德厚其角動  
乍小乍大若色數變主有憂其失次下舍以下進而

東北三月生天棓長四丈未兑進而東南三月生慧  
星長二丈類慧星退而西北三月生天攬長四丈未兑  
退而西南三月生天槍長數丈兩頭兑謹視其所見  
之國不可舉事用兵其出如浮如沉其國有土如沉  
如浮其野亡色赤而有角其所居國昌迎角而戰者  
不勝星色赤黃而沈所居野大穰色青白而赤灰所  
居野有憂歲星入月其野有逐相與大白鬪其野有  
破軍歲星一曰攝提曰重華曰應星曰紀星營室為

清廟歲星廟也

萬曆五年十二月朔日木星軫十四度順行見

熒惑總叙

熒惑一曰赤星一曰罰星曰執法曰天候南方赤帝燥怒之神朱雀之宿火之精也天原發微云火星激烈主執法其行無常出則有兵入則兵散熒惑居東方為懸息西方為天珣南方為熒惑進退無常躁急促狹故曰熒惑五常為禮五事為視禮虧視失逆夏

令傷火氣罰見熒惑主夏其日丙丁其辰巳午其卦  
離其音徵其數七其帝炎帝其神祝融熒惑主死喪  
主司天下羣臣之過司驕奢亡亂妖孽主歲成敗明  
照四方察過失以遣告人主者也口天越以南國主  
憂患過惡禍福之所由生其國有道則疾行而東無  
道則留而降罰為亂為賊為疾為喪為饑為兵所居  
之國受殃環繞鈎已芒角動搖變色乍前乍後乍左  
乍右其殃彌甚周旋止息則為死喪寇亂其野亡地



熒惑失行而連兵聚其下順之戰勝又曰熒惑不動  
兵不戰有誅戮又曰熒惑為天子之禮內則明故謂  
則禮興從之者吉逆之者凶故曰雖有明天子必視  
熒惑之所在

熒惑吟


南方之精名曰罰星赤帝之子巡行不停入大微而  
受制國有道而不經如無道之國又出入何常勾已  
為禍環遶為殃或進或退大小不常為水為旱豐儉

迭興每晨見而行疾亦昏出而漸升出處失度乍存  
乍亡若依常道其色青黃有怒有悖或角或芒入大  
微魏文列落犯紫微野死之王守天罡河肆泛濫在  
胃宿天下空倉繞羽林禁兵火起留張宿歲美大康  
入南箕其城絕嗣犯東井水大不祥守少微處士受  
戮遼天困萬姓饑荒乘鬼兵戈倏起入昴戎狄消亡  
居心主王大惡侵軒轅后妃憂惶犯室米貴比玉乘  
危起兵南方在尾大臣不順入角賢相多傷勾已漂


流域邑犯鬼死者相望留奎父不親子犯天駟臣叛  
王凌虛萬物小稔守畢邊星有降入畢賢士被戮留  
心兵遶四方近女布帛湧貴守女六畜尸強入柳不  
遵王命犯角禍起蕭牆入軫人皆徭役犯婁見必出  
彊逆行于氐環繞于房股肱失位父子分張經天時  
海內鼎沸犯翼宿歲美人康有土君子云何不臧克  
已復禮其世必昌君父居止宜脩景福為臣為子進  
退為國妖禍自消永終天祿



# 熒惑遲留伏逆之圖



# 熒惑伏見一終圖



伏見一十九日

積七百七十九百九十二

分伏見一終

行星四百一十四度六十八

分至五秒合距周而復始

距日十九度而晨見初疾漸遲

晨伏 七十一日行五十二度  
日二十度晨見東方

距日一百三十四度而留

順行 二百八十一日行六  
百十四度九十

距日一百四十四度而退初遲漸疾

留八日不行

退止而留背距日一百四十四度

晨逆 三十日九十六分四十八秒  
行八度五十分八十八秒

留久而順背距日一百三十四度初遲漸疾夕逆三十日

背距日十九度伏合

留八日不行

最疾七日行五度

順二百八十日

加減最多處二十五度

夕伏七十一日行度並

合期三百七十八日

同上





八 心房 心尾 尾箕 箕退 退尾 尾斗 尾箕 斗 斗牛 虛危 危室 璧奎

九 壁奎 要 胃昂 昂畢 畢參 井 井鬼 星張 張翼 翼軫 軫角 亢氐 氐房

十 尾箕 箕斗 斗牛 危 危室 危室 退退 退退 退危 室 室璧 璧奎

十一 奎婁 胃 胃昂 昂畢 畢參 井 井鬼 張翼 翼軫 軫角 亢氐 氐房 尾箕

十二 箕斗 斗牛 虛危 危室 璧奎 奎婁 婁胃 昂胃 退 退婁 婁胃 胃

十三 胃昂 畢 畢參 參井 井鬼 柳 柳星 張翼 翼軫 軫角 角亢 尾箕 斗

十四 斗牛 虛危 危室 室璧 壁奎 婁胃 胃昂 昂畢 畢參 井 退退 退畢

十五 參 參井 井鬼 柳星 張翼 翼軫 軫角 角亢 尾箕 箕斗

十六

斗牛 虛危 女虛 室

室壁

壁奎 婁

婁胃

胃昴 畢

畢參

參井

井

井鬼 柳

柳退

十七

井鬼 柳

柳星

星張

張翼

翼軫

軫角

角亢 心 氏房

尾箕

箕斗

斗牛 女虛

十八

虛危 室

室壁

壁奎 婁

婁胃

胃昴 畢

畢參

參井

井鬼

柳星

星張

張翼

十九

退

退張

張翼

翼軫

軫角

角亢 心 氏房

箕斗

斗牛 女虛

虛危

二十

室壁

壁奎 婁

婁胃

胃昴 畢

畢參

參井

井鬼 柳 星

張翼

翼軫

軫角

二十一

角退

退

退軫

軫角

角亢

亢 心 氏房

尾箕

箕斗

斗牛 女虛

虛危

二十二

室壁

壁奎

婁 胃昴 畢

翼參

參井

井鬼 柳 星

張翼

翼軫

軫角

角亢 心 氏房

亢

二十三

心房

心 氏房

退

氏

心 氏房

心尾

尾 箕

斗

斗 牛 女虛

室壁

二四壁奎胃昂畢參參井井鬼柳星張翼翼軫軫角角亢亢氐

二五房心尾箕箕斗斗牛牛女女牛退退牛牛女女虛危室室壁

二六胃胃昂畢參參井鬼柳星張張翼翼軫角亢亢氐房房心

二七尾箕斗女斗女虛室虛危室壁壁奎奎婁婁退退退奎婁胃

二八胃昂畢參參井井鬼柳星張張翼翼軫軫角亢亢氐房房心尾

二九斗牛斗女虛室室壁奎婁胃胃昂畢參參參畢退退昂昂畢

三十畢畢參參井井鬼柳星張張翼翼軫軫角亢亢氐房房心尾尾箕斗牛

三一斗女危室室室壁奎婁胃昂畢參參井井退退

三十一 井 井井鬼 柳星 星張 張翼 翼軫軫角 亢亢房 亢亢房 尾箕 斗 斗

三十二 危危室 危室危室 奎 奎 翼翼胃 畢畢參 井井畢 井井畢 井井鬼 柳星 星張 張

三十三 退 柳 柳星 星張 張翼 翼翼角 亢亢角 亢亢角 亢亢房 尾箕 斗 斗

三十四 虛危虛危 奎 奎 奎 奎 翼翼胃 畢畢參 井井鬼 井井鬼 柳星 張 張翼 翼 翼 翼 軫 軫

三十五 退退軫 退 翼 翼 軫 軫 亢 亢 亢 亢 亢 尾 箕 斗 斗

三十六 室 璧 奎 奎 翼翼胃 畢畢參 井井鬼 井井鬼 柳星 張 張翼 翼 翼 軫 軫

三十七 亢 亢 亢 亢 退退亢 退 角 角 亢 亢 亢 亢 亢 房 尾 箕 斗 斗

三十八 璧 奎 畢 畢 參 參 井 柳星 張 張翼 翼 軫 軫 角 角 亢 亢 房

四十房危尾箕箕斗退退箕箕斗斗牛女虛危室璧

四十一奎婁婁胃胃昂畢畢參參井井柳危柳星張翼翼軫軫角角亢亢房房心心

四十二尾箕斗斗斗牛虛虛危危室室璧璧室退退室室璧璧奎奎婁

四十三婁胃胃昂畢畢參參井井柳危柳星張翼翼軫軫角角亢亢房房心心尾

四十四尾箕斗斗斗牛危危室室璧璧奎奎胃胃昂昂退退退胃胃昂

四十五昂畢畢參參井井鬼柳星張翼翼翼軫角亢亢房房心心尾箕

四十六斗牛女虛危危室室璧璧奎奎胃胃昂昂畢畢參參井井退退參參

四十七參井井井鬼柳星柳星張張翼翼翼軫軫軫角亢亢房房心心尾箕斗牛

四穴 奎 危室

奎室璧

奎婁 胃 昴 畢

井畢參

井

井鬼

柳星 星

星柳退

四九 退 井 井 鬼 退 柳

柳星張

張 翼 翼 翼 軫 軫

軫角元

亢 氐 愈 尾

尾箕斗

斗 牛

牛女虛

五十 危室 室

奎璧

奎 婁

昴胃

昴 畢

井畢參

井 菟

柳星張

張 翼 翼

五二 翼 退

退

張 翼 翼 軫 軫 角 亢 亢 氐

房心尾

斗 牛

尾箕

斗 牛

牛女虛危

五三 危室 奎 室

奎璧

奎 婁

昴胃

昴 畢

井畢參

井

井鬼柳

張 翼 翼 軫 軫

柳星張

張 翼 翼 軫 軫 軫 角

五三 角 退 亢 退

退 軫 軫 角

角元

房 心

尾 箕

斗 牛

牛女

危 室

五四 室 璧

奎

奎 婁

昴胃

昴 畢

井畢參

井

井鬼柳

張 翼 翼 軫 軫

柳星張

張 翼 翼 軫 軫 軫 角 角 亢 氐

五五 心 房

尾

尾 尾

退 退 心

心

尾 箕

箕 斗

斗牛

危 室

室璧

危 室

室璧

五六奎婁胃昂畢

井畢參

井井鬼

柳星

張翼翼軫角

角亢

心房

五七心尾

尾箕

斗斗女虛危

危虛

退

虛危危室室

室璧

奎婁

五八婁胃昂畢齒參井

井柳星

張翼

軫角

亢亢

房心

五九箕斗

斗牛

危室

室璧

奎婁

胃胃

胃婁

退

婁婁

胃胃

六十胃昂昂畢畢

井參

井

井鬼

柳星

張翼

翼軫

軫角

角亢

心房

尾箕箕斗

六一

斗牛

危室

室璧

胃胃

胃昂

昂畢

畢參

退

退畢

畢

六二畢參參井

井鬼

柳星

張翼

翼軫

軫角

角亢

心房

心尾

尾箕

六三

斗牛

危室

璧奎

婁胃

昂昂

畢參

井

井井

鬼柳

柳鬼

退

六十四 井井

井鬼 柳

張

張翼翼軫軫角角亢

亢氏 房

心 尾

箕 斗

女

六十五

女虛 危

危室

室壁 奎

胃

胃昂

昂畢 參

參井

井

井鬼 柳

張

張

張

張

退

六十六 退星

張翼翼軫軫角角亢

亢氏 房

心 尾

箕 斗

女

虛

危

六十七 危室

室壁 奎

胃

胃昂

昂畢 參

參井

井

井鬼 柳

星

張

張

翼

軫

六十八 軫退

退翼 軫

軫軫角

角亢 氏

房心尾

尾箕 斗

女

虛

危

室

六十九

室壁 奎

胃

胃昂

昂畢 井

井

井鬼 柳

星

張

張

翼

軫

軫

角

角

亢

七十 亢氏 房房退退亢氏

亢氏 心

尾箕箕斗

斗女 危

虛

危

室

七十一

室壁 奎

胃

奎婁

胃

昂畢

井

井

井鬼 柳

張

張

翼

軫

軫

角

角

亢



七十三心尾

斗凡其

斗

斗

退

退

斗

斗

斗女

虛危

危室

室璧

七十三奎婁

婁胃

昂畢

畢參

井

井鬼

柳星

張翼

翼軫

軫角

角亢

心

尾箕

七十四女

斗女

女虛

危室

室璧

璧奎

奎璧

退

退

璧奎

奎婁

婁胃

七十五胃昂

昂畢

畢參

井

井鬼

柳星

張翼

翼軫

軫角

角亢

心

尾箕

七十六箕斗

斗女

女虛

危室

室璧

奎璧

胃昂

昂畢

畢

退

退

昂畢

昂畢

七十七畢參

參井

井

井鬼

柳星

張翼

翼軫

軫角

角亢

心

箕斗

箕斗

七十八斗

斗女

女虛

璧奎

奎婁

胃昂

昂畢

參井

井

井

退

退

七十九退井

井

井鬼

柳星

張翼

翼軫

軫角

角亢

心

箕斗

箕斗

斗

斗

星乃火之精三日行一度亦不及天數也其行二年  
一周天常以十月入大微垣受制而出以其踈急無  
常道故謂之熒惑比之日較遲故伏合已後日前距  
日十九度而晨見晨見則在東方初疾漸遲距日一  
百三十四度而留留後距日一百四十四度而初遲  
漸疾退行最疾之時必與日對衝退止而留則背距  
日如初退之度留久而順行則背距日如留之度初  
遲漸疾而漸近日背距如晨見之度則伏而不著矣

最疾約七日行五行其加減最多處二十五度與日未對衝之先夜半後可望謂之晨段與日既對衝之後夜半前可望謂之夕段七十九年而四十二周天與合度者五十七合期三百七十八日取上古甲子而分為七十九號每號分為十二月而置閏於其下閏在號前那前一月閏在號後那後一月

張衡云常以十月入太微垣受制而出行宿所司無道其出入無常行一舍二舍為不祥東行疾則兵聚

于東西行疾則兵聚于西南北行亦然一日半行一度五十日移一宮若疾七日半行五度四十五日移一宮若遲退三四個月移一宮二年行小週天十七九年行一大週天

史記察剛氣以處熒惑曰南方火主夏日丙子禮失者罰出熒惑熒惑失行是也出則有兵入則兵散以其舍命國熒惑為悖亂殘賊疾喪饑兵反道二舍以上居之三月有殃五月受兵七月半亡地九月大半

亡地因與俱出入國絕祀居之殃還至雖大當小久而至當小反大其南為丈夫北為女子喪若角動繞環之及乍前乍後乍左乍右殃益大與他星鬪光相逮為害不相逮不害五星皆從而聚于一舍其一國可以禮致天下法出東行十六舍而止逆行二舍六旬復東行自所止數十舍十月而入西方伏行五月出東方曰反明主命者惡之東行急一日行一度半其行東西南北疾也兵各聚其下用戰順之勝逆之敗熒惑

從太白軍憂離之軍却出太白陰分軍行其陽有偏將戰當其行太白逮之破軍殺將其入守犯太微軒轅營室主命惡之心為明堂熒惑廟也謹候此

萬曆五年十二月朔日大星星五度順行見

鎮星總叙

鎮星一曰地候中央黃帝舍樞紐之使勾陳之神土之精也鎮星常晨出東方夕伏西方八十二歲而一周天歲鎮一宿天原發微云常以甲辰元始斗建之

歲鎮行一宿故曰填星五常為信五事為思仁義禮  
智以信為本貌言視聽以思為主故四星皆失鎮星  
乃為之動而盈侯王不寧縮有軍不復鎮星主四季  
其日戊巳其辰丑未辰戌其卦坤艮其音宮其數五  
其帝黃帝其神后土主福德女主之象所在國有福  
不可伐主聚眾主土功主正紀綱主周梁主太帝主  
司天下女主之過鎮星正則女主正邪則女主邪一  
曰鎮星天子之星也天子失信則鎮星大毒

鎮星吟

維彼鎮星中央土精黃帝之子地之別名所在之國  
不可加兵其分無災五穀熟成人民安樂由君之真  
內無仁義外無脩飭其星失度為殃為惑上亂下爭  
東西叛逆上天降災為電為人山奔地折哭聲悲哀  
與木相犯后妃嬪傾與水相合將敗連營抵角後宮  
有喜入亢萬物無成犯房強臣背主厯氏儲副權榮  
守心帝王將出在尾盜賊公行繞箕水災人散入牛




賊人害主犯女暴貴縱橫乘虛赤地千里入危工役  
災生犯室廣脩宮殿繞壁道術彰明乘奎貴穀水湧  
守婁婢詐臣爭犯胃水湧米貴勾昴將相出征臨畢  
主侯將疫乘觜國破人驚環參士人出使入井水旱  
妨耕在鬼大臣謀上犯柳天下和平留星萬邦皆理  
居張五穀不豐入軫兵災交集守翼寰宇皆清祇見  
人主下殿入鬼宗廟改更奄越大臣謀戮犯執法將  
吏令受煎凡厥在位公正無私神延福祚邦家基隆

欽定四庫全書

卷二十一


# 鎮星遲留伏逆之圖



四山

三

# 鎮星伏見一終圖



伏見十八度

積三百七十八日。九分一十六

秒伏見一終

行星十二度八四分九十一秒

距日二十八度半晨見初疾漸遲

晨伏

二十一日七十五分行度七十五分  
去日十九度而晨見于東方

距日九十四度而留

順行

八十三日行  
七度十一分

距日一百二十八度而退初遲漸疾

留

二十三日  
日不行

退止而留背距日一百二十八度

晨退

五十日二十九分六十秒行  
三度四十三分五十四秒半

留久而順背距九十四度初遲漸疾

夕退

背距日十八度半伏合

留

二十三日

最疾約七日行一度

順行

八十三日

加減最多處八度有餘

夕退

二十一日七十七分  
五分又與日合

合期約三百七十八日

正二三四五六七八九十十一十二閏

一危危危危室室室室危危危危危危室

二室室室室室室室室室室室室室室室

三室室室壁壁壁壁壁壁壁壁壁壁壁壁壁

四壁壁奎奎奎奎奎奎奎奎奎奎奎奎奎

五奎奎奎奎婁婁婁婁婁婁婁婁婁婁

六婁婁婁婁胃辰退胃胃胃胃胃胃胃

七胃胃胃胃胃鼻鼻鼻鼻鼻鼻鼻鼻鼻胃



十六張張張張張張張張張張張軫軫軫退

十七張張翼翼翼翼軫軫軫軫軫軫軫軫

十八軫軫退軫軫軫軫軫軫軫軫角角角角

十九角角退角角角角角角角角角角角角

二十亢亢退角角角角角角角角角角角角

二十一氏氏氏氏氏氏氏氏氏氏氏氏氏房

二十二慮慮心心房房氏氏氏房房慮慮心心

二十三尾尾尾尾退尾心心尾尾尾伏尾尾





三十三室室室室壁壁壁室室室室室

三十三室壁壁壁奎奎奎奎奎奎奎壁壁壁奎

三十四奎奎奎奎奎奎奎奎奎奎奎奎奎奎

三十五奎奎妻  
父見合妻伏見妻昂妻妻胃胃胃胃妻妻退妻妻

三十六胃胃胃胃胃胃胃胃胃胃胃胃胃

三十七胃胃胃昂昂昂昂昂昂昂昂昂昂昂

三十八昂昂昂昂昂昂昂昂昂昂昂昂昂昂昂

三十九畢畢畢參參參井井井井井井參

四干參參井井井井井井井井井井

四王井井井井井井井井井井井井井井

四三井井井井鬼柳柳柳柳柳柳柳柳柳

四立柳柳柳柳柳星星張張張張張張張

四四張退張張張張張張張張張張張張

四五翼翼退張張張翼翼翼翼翼翼翼翼

四六翼翼翼翼翼翼翼翼翼翼翼翼翼翼

四七軫軫軫軫軫軫軫軫軫軫軫軫軫軫軫

四六角角角軫軫軫軫軫角伏角見角晨角亢

四九亢亢亢退亢角角角角角角伏亢亢氏氏氏

五十氏氏氏氏亢亢亢亢氏氏氏氏氏氏房

五十一房房退房氏氏氏氏氏氏氏房房房心

五十二心尾尾尾尾心心心房房房心心伏心尾尾見尾晨尾

五十三尾尾尾尾尾尾尾尾尾尾伏尾夕尾見尾晨尾箕

五十四箕箕見箕晨箕箕箕尾尾尾尾箕箕箕箕箕

五十五斗斗斗退斗斗斗斗箕箕斗斗斗伏斗夕斗



九十四度而初留留後距日一百二十八度而初退  
初遲漸疾退行最疾之時必與日對衝退止而留則  
背距日如初退之度留久而順行則背距日如初留  
之度初遲漸疾而漸近日背距日如晨見之度則伏  
而不著矣其加減最多處八度有餘未對衝之後夜  
半前可望謂之晨段與日既對衝之後夜半前可望  
謂之夕段五十九年而二周天與日合度者七十五  
合期約三百七十八日取上古甲子而分為五十號

每號分為十二月而置閏於其下閏在號前那前一  
月閏在號後那後一月

張衡云常以申元建之歲失次而辰上一舍二舍則  
為水火失次而下三舍有后戚之變三年移一宮五  
十九年一大週天

史記歷斗之會以定鎮星之位曰中央土主季夏日  
戊巳黃帝主德女主象也歲鎮一宿其所居國吉未  
當居而居若已去而復還居之其國得土不乃得女

若當居而不居既已居之又西東去其國失土不乃  
失女不可舉事用兵其居久其國福厚其居易福薄  
其名曰地候主歲歲行十二度百十二分度之五日  
行二十八宿度之一二十八歲周天其所居五星皆  
從而聚于一舍其下之國可重致天下禮德義殺刑  
盡失而鎮星乃為之動搖動而盈為王不寧其縮有  
軍不復鎮星其色黃九芒音曰黃鍾宮其失次上二  
三宿曰羸有主命不成不乃天水失次下二三宿曰



縮有后戚其歲不復不乃天裂若地地斗為文太室  
鎮星廟天子之星也木星與土合為內亂饑主勿用  
戰敗水則變謀而更事火為旱金為白衣會若金水  
在南曰北壯年穀熟金在北歲偏無火與水合為鏖  
為喪皆不可舉事用兵大敗土為憂主孽卿大饑戰  
敗為北軍軍困舉事大敗土與水合穰而擁闕有覆  
軍其國不可舉事出亡地入得地金為疾為內兵亡  
地三星合其宿地國外內有兵與喪改立公王四星

合兵王喪並起君子憂小人流五星合是謂易行有德受慶改立大人奄有四方子孫蕃昌無德受殃若亡五星皆大其事亦大皆小事亦小蚤出者為羸羸者為客晚出者為縮縮者為主人必有天應見於杓星同舍為合相凌為闕七寸以內必之矣五星色白圜為喪早赤圜則中不平為兵青圜為憂水黑圜為疾多死黃圜則吉赤角犯我城黃角地之爭白角哭泣之聲青角有兵憂黑角則水急行窮兵之所終五

星同色天下偃兵百姓寧昌春風秋雨冬寒夏暑動  
搖常以此鎮星出百二十日而逆西行西行百二十  
日反東行見三百三十日而入入三十日復出東方  
太歲在甲寅鎮星在東璧故在營室

萬曆五年十二月朔日土星斗十一度伏不見

太白總叙

太白西方秋金兵象也一曰火政一曰官星一曰明  
堂一曰丈表一曰太皞一曰終星一曰天相一曰天

浩一曰序星一曰梁星一曰威星一曰大囂一曰大  
爽出以寅戌入以丑未一歲一週天大臣之象其號  
上公大司位謹候此五常為金五事為言虧言失逆  
秋令傷金氣罰見太白主秋其日庚辛其辰申酉其  
卦乾兌其音商其數九其帝少皞其神嫫收太白進  
退以候兵卑高遲速靜躁見伏用兵皆象之吉其出  
西方失行外裔敗出東方失行中國敗未盡期日過  
參大病其對國若經天天下革人更主是謂亂紀人

民流亡晝與日爭明強國弱小國強女主昌又日方  
南太白居其南日方北太白居其北為盈侯王不寧  
用兵進吉退凶日方南太白居其北日方北太白居  
其南為縮侯王有憂用兵退吉進凶當出不出當入  
不入為失舍不有破軍必有死王之墓有亡國太白  
所出所直之神其國得其位得其位者戰勝所值之  
辰順其色而角者勝其色害者敗

太白吟

太白之星少陽之精黃帝之子亦曰長庚所主在義  
大而光明將星之象誅罰為名怒則芒角叱咤喜則  
斂角潛形遇火死生相繼合水遠近加兵犯角天下  
兵賊入亢水賊並行守氏將相受苦居心水火縱橫  
守房干戈並起到尾上下交鋒守箕風旱有赦繞斗  
臣執權衡環牛地氣發泄抵女府庫不盈乘危將軍  
解甲犯室武士休爭入奎川流泛溢守壁國用嚴刑  
乘婁有兵有赦入胃饑饉薦生犯昴北戎大起守畢

將相出行乘背參國政改易厯井鬼臣將多驚入柳  
亢封益祿繞星滅死連營勾翼軫大振師旅入軒轅  
人主建旌守天田人封爵祿當牛宿戎狄相爭失舍  
國亡軍敗不見殺將屠城或山崩四面執役干連君  
弱臣強兵鋒相戰之軌台衡妖祥為見臣節撓虧主  
心沸騰嗚呼有才之君肱股之臣不僭不濫畏天敬  
神道以治國德以立身福留後嗣化及兆民

--	--	--	--	--	--	--	--	--



# 太白遲留伏逆之圖



太白伏見一終圖



伏見一十度半

積五百八十三百九十分三

十六秒伏見一終  
行星度如之

距日十度半而夕見初疾漸遲

夕伏 三十九日行四十九度五十分  
去百十度半而竟於西方

距日三十度有餘而留

順行 二百二十日行一  
百五十度十三分

距日二十四度有餘而退

留 五日  
不行

距日十度半退伏

退 十日行四  
度十一分

背距日十度半而晨見初疾漸遲

晨退 十日

背距日二十四度而退留

留 五日  
不行

留久而順行背距日三十度有餘初遲漸遲

順行 三百三  
十三日

甚遲不過四十五度

晨伏 三十九日行四  
十九度五十分

最疾約四日行五度餘

加減最多處不過四度餘

合期約五百八十四日而順逆二合

正二三四五六七八九十一十二閏

一斗

斗牛 虛危 室壁 奎婁 昴畢 參井 鬼柳 星張 翼軫 角亢 房心 箕斗 女虛

二奎壁

奎婁 昴畢 參井 井鬼 張柳 星張 張星 張翼 翼軫 角亢 房心 箕斗 女虛

三斗牛

斗牛 女虛 室壁 婁胃 畢參 井鬼 星張 翼軫 角亢 房心 斗牛 虛危 室壁

四奎

奎壁 壁奎 胃昴 畢參 井鬼 柳星 星張 翼軫 角亢 心尾 斗箕 斗女

五危室

壁奎 胃昴 畢參 井鬼 柳星 張翼 翼軫 角亢 心尾 亢角 亢心 亢斗 亢心

六

尾箕 斗女 虛危 璧室 璧奎 畢昂 畢參 井鬼柳 張翼 軫角 氏房 尾箕 牛女

七

奎婁 胃昂 畢參 畢畢 井鬼 星張 軫角 軫角 心尾 箕斗

八

斗女 虛危 奎璧 奎婁 昂畢 參井 柳星 翼軫 軫角 氏房 尾箕 斗牛 牛斗

星乃金之精一日行一度餘亦不及天數也其行一

年一周天以其大而色白故曰太白夕見西方曰長

庚晨見東方曰啟明出以辰戌八以丑未出東方二

百四十日而一八出西方二百四十日而一八入三

十五日而復出比日較速故伏合已後過日而可距

日十度半而夕見夕見則在西方初疾漸遲距日三十度餘而留留後距日二十四度餘而退初遲漸疾與日相近如夕見之度則伏而著退行最疾之時與日同度退而晨見於東方如夕見之度初疾漸遲退止而留則距日如初退之度留久而順行則距日如初留之度初遲漸疾而漸近日距日如退伏之度則又伏而不著矣甚速不過四十五度晨疾約四日行五度餘故加減最多處不過四度餘與日未退合之

前昏後可望謂之夕段與日既退合之後曉前可望  
謂之晨段八年之間而五合於日退合亦然合期約  
五百八十四日而順逆二合取上古甲子而分為八  
號每號分十二月而置閏於其下閏在號前那前一  
月閏在號後那後一月

張衡云金曰太白也出辰戌入丑未晨出東方二百  
四十日而入夕出西方二百四十日而入三十日而  
復出與日同行南北為盈與日分行南北為縮出早

為日蝕出晚為天殃出兵象也此星附日而行不離大陽前後二宮一日六時止行一度一月移一宮二年亦行一小週天八年行一大週天

史記察日行以處位太白曰西方秋司兵月行及天矢日庚辛主殺殺失者罰出太白太白失行以其舍命國其出行十八舍二百四十日而入東方伏行十一舍百三十一日其入西方伏行三舍十六日而出當出不出當入不入是謂失舍不有破軍必有國君



之筭其紀上元以攝提格之歲與營室晨出東方至角而入與營室夕出東方至角而入與角晨出入畢與角夕出入畢與畢晨出入箕與畢夕出入箕與箕晨出入柳與箕夕出入柳與柳晨出入營室與柳夕出入營室凡出入東西各五為八歲二百三十日復與營室晨出東方其大率歲一周天其始出東方行遲率日半度一百二十日必逆行一二舍上極而反東行行日一度半一百二十日入其痺近日曰明星

柔高遠日曰大囂剛其始出西行疾率日一度半百  
二十日上極而行遲日半度百二十日旦入必逆行  
一二舍而入其痺近日曰太白柔高遠日曰大相剛  
出以辰戌入以丑未當出而未當入而入天下偃  
兵兵在外入當出而不出當入而不入天下起兵有  
破國其當期出也其國昌其出東為東入東為北方  
出西為西入西為南方所居久其鄉凶出西逆行至  
東正西國吉出東逆行至西正東國吉其出不經天

天下革政小以角動兵起始出大後小兵弱出小後  
大兵強出高用兵深吉淺凶卑淺吉深凶日方南金  
居其南日方北金居其北曰盈侯王不寧用兵進吉  
退凶日方南金居其北日方北金居其南曰縮侯王  
有憂用兵進凶退吉用兵象太白太白行疾疾行行  
遲遲行角敢戰動搖躁躁國以靜靜順角所指吉反  
之皆凶出則出兵入則入兵赤角有戰白角有喪黑圍  
角憂有水事青圍小角憂有水事黃圍和角有土事

有年其已出三日而復有微入入三日乃復盛出是  
謂奕其下國有軍敗將北其已入三日又復出出三  
日而復盛入其下國有大憂即有糧食兵革遺人之  
用卒雖衆將為人虜其出西失行外國敗其出東失  
行中國敗其色大圜黃澤可為好事其圜大赤兵盛  
不戰太白白比狼赤比心黃比參左肩蒼比參右肩  
黑比奎大星五星皆從太白而聚于一舍其下之國  
可以兵從天下居實有得也居虛無得也行勝色色

勝位有位勝無位有色勝無色行色盡勝之出而留  
桑榆間疾其下國上而疾未盡其曰過參天疾其對  
國上復下下復上有反將其八月將僂金木星合光  
其下戰不合兵雖起而不鬪合相毀野有破軍在西  
方乘昏而出陰陰兵強暮食出小弱夜半出中弱鷄  
鳴出大弱是陰陷於陽其在東方乘明而出陽陽兵  
強鷄鳴出小弱夜半出中弱昏出大弱是謂陽陷於  
陰太白伏也以出兵兵有殃其出邠南南勝北方出

邠北北勝南方正在邠東國利出西北北勝南出酉  
南南勝北方正在酉西國勝其與列星相犯小戰五  
星大戰其相犯太白出其南南國敗出其北北國敗  
行疾武不行文色白五芒出早為月蝕晚為天矢及  
彗星將發國出東為德舉事左之迎之吉出西為刑  
舉事右之背之吉反之皆凶太白光見景戰勝晝見  
而經天是謂爭明強國弱小國強女主昌亢為䟽廟  
太白廟也太白大臣也其號上公其他名殷星大正

營星觀星宮星明星大衰大澤終星大相天浩序星  
月緯大司馬位謹候此

太白史或書晝見或書周天蓋已時當丙位則為經  
天以其當君禍尤大也其餘方位則止書晝見也

萬曆五年十二月朔日金星箕二度順行見

錢若水曰邊將用兵惟視太白與月為進退者誠以  
太白者將軍也辰星者廷尉也合則有戰不合則無  
戰合於東則主勝合於西則客勝

辰星總叙

辰星北方土氣所結水之精也一曰勾星一曰爨星  
一曰伺星晨候之東方夕候之西方一歲一周天五  
常為智五事為聽智虧聽失逆冬令傷水氣罰見辰  
星主冬其日壬癸其辰亥子其卦坎其音羽其數六  
其帝顓帝其神玄冥辰星見則主刑主廷尉主燕趙  
幽冀以北之國為宰相之象亦為殺伐之氣戰鬪之  
象又軍于野辰星為偏將之象無軍為刑事和陰陽



應効不効其時不和出入失其時寒暑失其節邦當  
大饑當出不出是謂擊卒兵大起在于房心間地動  
亦曰辰星出入躁疾常主夷狄又曰蠻夷之星也天  
原發微曰水性平淡主刑法之得失是正四時色黃  
而小地大動光明與月相逮其國大水

辰星吟

北方之星名曰水精黑帝之子偏將之名所主在聽  
國君之情所在之國憂而不寧君若遵守法度明其

教令違其讒邪提其惠政無縱無德邦家大慶君若不脩德政不任賢人縱舍由已昵比小人上天垂戒災及其鄰五穀不熟風雨不均陰陽錯亂饑荒薦臻與火合而干戈起被土犯而元戎厄觀芒角知大小災祥審伏現察君臣譴責暴水漲而青色大喪發而虛白其順也春晨見而秋夕其逆也冬作澇而夏寒逼太陽而掩映接太陰而交懽守角水旱並興留亢米穀騰湧在心為水為火守房作動作靜入尾江漢

橫流環箕大人多恐犯虛丁壯盡行乘斗牛百川決  
壅凌女宿布帛湧貴留危畢禍亂繼踵入奎臣被困  
獄守胃起兵中州凌畢邊防緊急在昴執政刑流勾  
背水火為孽入井冰霜未休乘參水泉決湧繞鬼痰  
病多憂留星貴臣當罪入柳水損田疇守翼人民饑  
饉在軫百穀難收大徵羣臣相殺犯君座將相相尤  
守軒轅後宮不樂乘輿鬼秦地多憂緬惟有土固守  
其宜兢兢慄慄居安慮危勤脩令德福祿斯綏

欽定四庫全書

卷二十一

# 辰星遲留伏逆之圖




大元日下全書

歷代通鑑輯覽

四九

# 辰星合伏一終圖



晨伏夕見一十六度半  
夕伏晨見一十九度

積百七十八分六十秒  
伏見一終行星度如之

距日十七度夕見初疾漸遲

距日二十一度而留

距日十九度半而退初遲漸疾

距日十六度而退伏

背距日十六度而晨見初疾漸遲

退久而留背距十九度半

留久而順背距日二十度初遲漸疾

背距日十六度而伏合

甚遠不過二十四度

夕伏 十八日行三四度五十分去日十六度五十分而夕見于西方

順行 吐

順遲 十日共行三十一度五十分

夕留 二日不行

夕退 十日九十二分八十秒半行八度六分十九秒半

晨退 十日九十三分八十秒半

晨留 二日

晨遲 十日

最疾不過一度半

順行 日十九

加減最多處不過六度

晨伏 日十八

合期約一百一十六日退合亦然

正 二 三 四 五 六 七 八 九 十 十一 十二 閏

一 室退 退室

室壁 胃畢 井鬼 本青 參井 退

退井 井鬼柳 翼軫 星張翼 角亢

退退 退亢 退房心 尾箕 斗牛 虛危

二 危退 退危室

室壁 胃畢 參井 星張翼 角亢

井退 退參 井鬼柳 翼軫 星張翼 角亢

退角 退亢 退房心 尾箕 斗牛 虛危

三 虛退 退虛女

女虛 室壁 胃畢 參井 星張翼 角亢

退退 退參 井鬼柳 翼軫 星張翼 角亢

退角 退亢 退房心 尾箕 斗牛 虛危

退斗 退房心 尾箕 斗牛 虛危

四 斗牛女 虛危 奎婁 昂

退胃 胃畢 參井 星張翼 角亢

退退 退參 井鬼柳 翼軫 星張翼 角亢

退退 退亢 退房心 尾箕 斗牛 虛危

退退 退房心 尾箕 斗牛 虛危

退退 退房心 尾箕 斗牛 虛危



五 斗女 危室 婁胃 胃鬼 井鬼 柳 張翼 退張 翼軫 亢房 尾箕 退尾 斗女 虛危 璧奎 退

六 危室 奎婁 退奎 婁胃 井鬼 星張 退星 張翼 氏房 退 心尾 箕斗 女虛 璧奎 退 婁 畢參 柳星 退 張 軫角 心尾 退 箕 女虛

七 危室 翼退 室璧 婁胃 井 柳退 井鬼 柳 張翼 危危 室 畢參 鬼柳 星張 軫角 房心 心退 氏房 心尾 尾星 斗女 虛

八 虛危 室退 危室 奎翼 畢參 退井 井鬼 張翼 角亢 氏退 亢房 尾箕 斗女 危 室 璧奎 畢參 井 退 柳星 軫 氏 心尾 斗女 危

九 退虛 危室 奎翼 畢參 退 井鬼 星張 軫退 軫角 角亢 尾箕 斗女 危 璧 畢參 井 退 柳 翼軫 軫退 軫角 房尾 斗女 退

十 退女 虛危 奎婁 畢參 退 井鬼 星張 軫退 軫角 角亢 尾箕 斗女 虛 室璧 室璧 畢退 畢 柳鬼 翼軫 軫退 軫角 房尾 斗 女

十一 斗牛 虛危 奎婁 胃 畢 胃 畢 柳星 翼退 翼軫 軫角 尾箕 退 箕斗 女 虛 胃 退 畢 鬼柳 張翼 翼退 翼軫 軫角 斗 退 箕斗 女

十二 女虛危 璧奎 退奎 奎翼 畢參 柳星 張翼 軫退 軫角 心尾 退 尾箕 斗 女 虛 璧 退 畢 鬼柳 張翼 軫退 軫角 心尾 退 斗 箕



二一 危室退

室壁 婁胃 參

井退

退鬼柳 張翼 角亢 心尾

箕斗 女虛

二二 虛危退

退室 婁胃 參

井退

井鬼柳 張翼 角亢 退角 亢心 心尾

箕斗 女虛

二三 退女 危室 婁胃 參

退昂 參

退昂 參

退昂 參 柳星 張翼 軫角 房心 尾

退箕 斗

二四 斗牛 虛危室 婁胃 參

退胃 參 柳星 翼

退胃 參 柳星 翼

退翼 角亢 房心 尾

退箕 斗 女

二五 虛危室 婁胃 參

退胃 參 柳星 張翼

退

退 張翼 角亢 房心 尾

退箕 斗 女

二六 女虛危 室壁 參

退壁 婁胃 參 柳星

退

退 張翼 軫角 心尾

退房 尾箕 斗 女

二七 女虛 室壁 參

退室 婁胃 參 柳星

退

退 柳星 張翼 軫角 心尾

退房 尾箕 女虛

二八 退

退危 婁胃 參

退

退 柳星 張翼 軫角 心尾

退 箕斗 女虛

二十九

退女

虛危 室壁 胃昂

參 畢

退 畢

井 鬼 參

柳 星 張 翼

軫 角

軫 退

角 亢 房 心 尾

箕 斗

女 退

三十

退斗

女 虛 室 壁 奎

胃 昂 畢 退

畢 退

井 畢 參

井 井 柳 鬼 柳

星 張 翼 退

軫 角

退 軫

角 亢 房 心

尾 箕 斗

退 退

斗

三十一

牛 女 虛 室 壁 奎

胃 退

胃 昂 畢

退 畢 參 井

井 井 柳 鬼 柳

星 張 翼 退

退 軫

角 亢 房 心

尾 箕 斗

退 退

斗

退 退

斗

三十二

斗 牛 女 虛 室 壁 奎

退 退

胃 昂 畢

退 畢 參 井

井 井 柳 鬼 柳

星 張 翼 退

退 軫

角 亢 房 心

尾 箕 斗

退 退

斗

退 退

斗 女

三十三

室 壁 奎 退

退 壁 奎

胃 昂 畢

退 畢 參 井

井 井 柳 鬼 柳

星 張 翼 退

退 軫

角 亢 房 心

尾 箕 斗

退 退

斗 女

退 退

斗 女

三十四

退 虛

室 壁 胃 昂 畢

參 井

井 退 井

井 井 柳 鬼 柳

星 張 翼 退

軫 角 亢

退 退

角 亢 房 心

尾 箕 斗

虛 危

三十五

退 虛

室 壁 胃 昂 畢

參 井

井 退 井

井 井 柳 鬼 柳

星 張 翼 退

軫 角 亢

退 退

角 亢 房 心

尾 箕 斗

女 虛

退 女

三十六

牛 女 虛 危

室 壁 胃 昂 畢

退 畢

退 畢 參 井

井 井 柳 鬼 柳

星 張 翼 退

退 軫

角 亢 房 心

尾 箕 斗

退 退

斗

退 斗

三七

斗牛 虛危

危室 壁奎

婁胃 昂

昂退 胃退

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

三六

斗牛 女虛

危室 壁奎

婁胃 胃退

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

三九

虛危 壁奎

奎婁 婁胃

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

四十

虛危 壁奎

退室 室壁

室壁 壁奎

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

四一

退危 危室

室壁 壁奎

室壁 壁奎

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

四二

退虛 虛危

危室 室壁

室壁 壁奎

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

四三

退斗 斗牛

虛危 危室

室壁 壁奎

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

四四

女虛危 虛危

壁奎 奎婁

胃昂 昂退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

井退 井退

四五

女虛 危室 婁

退奎

奎婁 胃昂

昂畢 井鬼 柳

張

張翼

軫角 房心 亢氏 尾箕

退尾尾箕

四六

斗女 虛室 虛

退璧

奎婁 胃

昂畢 井鬼 柳星

柳

柳星 張翼

翼軫 亢氏 尾箕

退房

心尾 斗女 虛室

星乃水之精一日行一度餘亦不及天數也其行一

歲一周天以四仲之日春見奎婁夏見東井秋見角

亢冬見牽牛出以辰戌入以丑未二旬而入其出入

也不違其時故為辰星比日較速故伏合以後過日

而前距日十六日而夕見夕見則在西方初疾漸遲

距日二十一度半而初留留後距日十九度半而初

退初遲漸疾與日相近如夕見之度則伏而不著退  
行最疾之時必與日同度退而晨見於東方如夕見  
之度初疾退漸遲退退止而留則距日如退之度留  
久而順則距日如初留之度初遲漸疾而漸近日距  
日如退伏之度則又伏而不著矣甚遠不過一十四  
度最疾不過一度半故加減最多不過六度餘與日  
未退合之先昏後可望謂之夕段與日既退合之後  
晚前可望謂之晨段四十六年之間合於日者一百

四十五退合亦然約一百一十六日而順逆二合取  
上古甲子而分為四十六號每號分為十二月而置  
閏於其下閏在號前那前一月閏在號後那後一月  
張衡云春見奎婁夏見冬井秋見角亢冬見牽牛出  
以辰戌入以丑未晨見候於東夕見候於西出早為  
日蝕出晚為彗星四時不出天下大饑出於房間主  
地動一日行一度半一月過一宮則六十九日始過  
一宮疾則二十日或十七日過一宮一年一小週天



六十五年一大週天

史記察日辰之會以治辰星之會曰北方水大陰之  
精主冬日壬癸刑失者罰出辰星以其宿命國是正  
四時仲春春分夕出郊奎婁胃東五舍為齊仲夏夏  
至夕出郊東井與鬼柳東七舍為楚仲秋秋分夕出  
郊角亢氐房東四舍為漢仲冬冬至晨出郊東方與  
尾箕斗牽牛俱西為中國其出入常以辰戌丑未其  
蚤為月蝕晚為彗星及天天其時宜效不效為失次

追兵在外不戰一時不出其時不和四時不出天下  
大饑其當效而出也色白為旱黃為五穀熟赤為兵  
黑為水出東方大而白有兵於外解常在東方其赤  
中國勝其西而赤外國利無兵於外而赤兵起其與  
大白俱出東方皆赤而角外國大敗中國勝其與太  
白俱出西方皆赤而角外國利五星分天之中積于  
東方中國利積于西方外國用者利五星皆從辰星  
而聚于其舍其所舍之國可以法致天下辰星不出

太白為客其出太白為主出而從太白不相從野雖有軍不戰出東方太白出西方若出西方大白出東方為格野雖有兵不戰失其時而出為當寒反溫當溫反寒當出不出是謂擊卒兵大起其入太白中而上出破軍殺將客軍勝下出客亡地辰星來抵太白太白不從將死正旗上出破軍殺將客勝下出客亡地視旗所指以命破軍其繞環太白若與關大戰客勝免過大白間可械劔小戰客勝免居太白前軍罷

出太白左小戰磨太白有數萬人戰主人更死出太  
白右去三尺軍急約戰青角兵黑角水赤行窮兵之  
所終免七命曰小正辰星天攬安周星細爽能星鈎  
星其色黃而小出而易處天下之文變而不善矣免  
五青圈憂白圈喪赤圈中不平黑圈吉赤角犯我城  
黃角地之爭白角號泣之聲其出東方形四舍四十  
八日其數二十日而反入于東方其出西方行四舍  
四十八日其數二十日而反入于西方其一候之營

室角畢箕柳出房心間地動辰星之色春青黃夏赤  
白秋青白而歲熟冬黃而不明即變其色其時不昌  
春不見秋則不實夏不見有六十日之旱月蝕秋不  
見有兵春則不生冬不見陰雨六十日有流邑夏則  
不長

萬曆五年十二月朔日水星斗十八度伏不見

五星總考

凡五星所聚其國王天下從歲以義從熒惑以禮從

鎮以重從太白以兵從辰以法各以其事致天下也  
三星若合是謂驚立絕行其國外內有兵天喪人民  
改立侯王四星若合是謂太陽其國兵喪並起君子  
憂小人流五星若合是謂易行有德受慶改立王者  
奄有四方子孫蕃昌亡德受殃離其國家滅其宗廟  
百姓離去被滿四方五星皆大其事亦大皆小事亦  
小

凡五星色其圜白為喪為旱赤中不平為兵為憂青

為水黑為疾疫為多死黃為吉皆角赤犯我城黃地  
之爭白哭泣聲青有兵憂黑有水五星同失天下偃  
兵百姓安寧歌儻以行不見災疾五穀蕃昌

凡五星為政緩則不同急則過分逆則占熒惑緩則  
不入急則不出違道則占鎮星緩則不還急則過舍  
逆則占太白緩則不入逆則占辰星緩則不出急則  
不入非時不占五星不失行則年穀豐昌

凡五星分天之中積于東方中國積于西方外國用

兵者利辰星不出太白為客其出太白為主出而與  
太白不相從及各出方為格野有軍不戰五星為五  
德之主其行或入黃道裏或出黃道表猶月行出有  
陰陽也然出入無常不可以算數求也其東行曰順  
西行曰逆順則疾逆則遲通而率之終為東行矣不  
東不西曰留與日相近而不見曰伏伏與日同度曰  
合其留行逆順掩合犯凌變色芒角凡其所主皆以  
時政五常五官五事之得失而見其變水火土三星



行遲夜半經天其初皆與日合度而後行漸遲迨日  
不及晨見東方行去日稍遲朝時近中則留留經旦  
過中則逆行逆行至夕時近中則又留留而又順先  
違漸速以至于夕伏西方乃更與日合

金水二星行速而不經天自始與日合之後行速而  
先日夕見西方去日前稍遠夕時欲近南方則漸遲  
遲極則留留而近日則逆行而合日在于日後晨見  
東方逆極則留留而後遲遲極去日稍遠旦時欲近

南方則速以追日晨伏於東方復與日合此五星合見遲速逆順流行之大經也昏旦者陰陽之大分也南方者太陽之位而天地之經也七曜行至陽位當天之經則虧晨留逆而不居焉此天之常道也三星經天二星不經天三天兩地之道也

凡五星見伏留行逆順遲速應歷度者為得其行政合于常違歷錯度而失路盈縮者為亂行亂行則為天矢彗孛而有七國革政兵饑喪亂之禍云

古厯五星並順行秦厯始有金火之逆又甘氏並時  
自有差異漢初測候乃知五星皆有逆行其後相承  
罕能察至後魏末清河張子信學藝博通尤精厯數  
因避葛榮亂隱于海島中積三十許年專以渾儀測  
候日月五星差變之數以算步之始悟日月交道有  
表裏遲速五星見伏有感召向背言日行在春分後  
則遲秋分後則速合朔月在日道裏則日食若在日  
道外雖交不虧月望值交則虧不問表裏又月行遇

木火土金四星向之則速背之則遲五星行四方列宿各有所好惡所居遇其好者則留多行遲見早遇其惡者則留少行速見遲與常數並差少者差至五度多者差至三十許度其辰星之行見伏尤異晨應見在雨水後立夏前或見在處暑後霜降前並不見驚蟄立夏立秋霜降四氣之內晨夕去日前後三十六度內二十八度外有木火土金一星有者見無者不見後張胃玄劉孝孫劉焯等依此差度為定入交

食分及五日定見定行與天密會皆古人所未得者  
也

中興天文志夫二曜二氣之精也五緯五行之精也  
二曜俱順行五緯獨有退逆何也班氏謂三代盛時  
天下五緯順軌無逆行者周之末造人紀不脩師旅  
數起故五緯始失常度而有逆行然則降姬而後世  
道趨末星軌遁常亦失其初歟易曰觀乎人文以察  
時變故星紀之逆順可以懍然懼矣

又曰古法周天之數如數星謂十二年一周天乃約數耳前稱歲星在四仲則行三宿在四孟四季則在二宿二八十六三四十二故十二年而行周二十八宿其說非是夫二十八宿度有廣狹而歲星之行有盈縮豈得以十二年一周無差忒乎唐一行始言歲星自商周迄春秋季年率百二十餘年而超一次因以為常以春秋亂世則其行遲其說猶迂既乃為後率前率之術以求之則其說益自相悖按劉歆三統

歷推歲星一百四十四年行天一百四十五次一千七百二十年剩行一周此古人所未究也又左氏疏以歷法推之周天凡十二次每次別為百四十四分歲星每行一百四十五分是每年行一次之外尚餘一分積一百四十四年剩一次矣殆據是乎餘四星之行固有順逆中間亦豈無差忒一行不復詳言蓋亦知之矣後之考歷者當能辨之然嘗考五星之行率循黃道惟金火二星游行不測土水歲星為變希

則凡黃道所經順軌則不占惟陵犯留守則凶咎知  
熒惑每入太微出端門星家謂受制而出始則黃道  
所經也而月與五星相遇亦多涉黃道內外之徑黃  
道邪界列宿各有尺數如房宿又有上中下三道焉  
此其所以易於陵犯是以青臺每言五星行次黃道  
所經諸星占家多不驗凡以此故要之天人之際何  
其有兆於此即感於彼其出沒顯晦飛流升降疾遲  
盈縮進退會散動移轉徙非邈無與於人如此也是



故精祿之交明君謹之能遇災而加懼見祥而滋敬  
思其咎謝不敢怠寧王事之當然也善乎太史公之  
言曰太上脩德其次脩政其次脩禳畏天者擇焉

又曰按五星之變有合有散有守有陵有厯有鬪有  
盈有縮有食同舍日合變為妖星日散寸以內光芒  
相及曰犯韋昭謂自下而往觸之為犯也居其宿曰  
守相冒而過曰陵韋昭謂突掩為陵也經之曰厯相  
出曰鬪又曰離復合合復離為鬪早出曰羸晚出曰

縮又失次上二三宿曰羸失次下二三宿曰縮星月相陵曰食吉凶各以類應不可誣已然有或不盡如所占何也曰日月五行俱行黃道不能無侵犯也惟迫近則殃大遠則無傷寸以內芒角相反則其占始應漢志曰近者殃大遠者則毋傷後之人又不此之察猥見其差近遂譎張以為變此所以繁褻不驗

圖書編卷二十